

摘藻堂四庫全書薈要

集部

欽定四庫全書薈要

集部

王右丞詩集

年譜
卷一

臣王杰詳校

詳校官助教臣常循



欽定四庫全書薈要

王右丞詩集

卷一

五言古詩

卷二

五言古詩

卷三

七言古詩



卷四

五言律詩

卷五

五言律詩

卷六

五言排律

卷七

五言排律

卷八

七言律詩

卷九

五言絕句

卷十

七言絕句

文集

卷一

賦表狀露布

卷二

書序記讚

卷三

碑銘

卷四

哀詞祭文

臣等謹案王右丞詩集十卷附文集四卷唐

王維撰其弟縉編次奏進元劉辰翁嘗為評
點明顧起經復取其詩分類重編五言古詩
分十一門曰四時山川宮闕田廬應制獻贈
送別旅思釋氏詠古傷嘆七言古詩分六門
曰騷體樂府歌行贈送詠懷問答五言律詩
分十一門曰禁省宗戚居處宴集梵宇遊眺
酬寄送別旅次閨情弔輓七言律詩分六門
曰宮殿禽果酬送感懷山墅尋遊五言絕句

分七門曰川溪宮閨咏翫贈別荅寄軍戎悲
喜七言絕句分五門曰時序嘲戲寄送邊將
慶悼各為箋註仍以辰翁之評散附句下冠
以所作年譜而取外編遺詩及同詠贈答畫
評附後其文集四卷則絕無箋注其分類之
例蓋宗文選然區別繁碎更甚於宋人所編
杜集蘇集中間配隸尤為乖舛如清如玉壺
冰詩雖題出鮑照白頭吟然實省試之作列

之閨情殊為不類特自起經以前無箋注維
詩者後來趙殿成注實以是編為藍本層冰
為積水所成大輅自椎輪而始起經初造之
功亦未可盡沒矣乾隆四十三年四月恭校
上

總纂官臣紀昀臣陸錫熊臣孫士毅

總校官臣陸費墀

欽定四庫全書

目錄

欽定四庫全書薈要卷一萬三千六百二十三

集部

王右丞集

年譜

按唐史及世系表河東王氏裔出漢王霸後數傳至
晉藍田侯述及隋鎮東將軍瓊生遵業等其高祖儒
賢生知節知節生朗胄朗胄生處廉處廉生維

按公本太原祁人後徙於蒲遂稱河東王氏至公始
居藍田豈處廉以上家河東而公宦遊兩都乃徙關

中耶然公實生於河東母博陵縣君崔氏持戒安禪
故公於藍田營山莊為崔母經行之處表請施莊為
寺詔許之在唐為清源寺在今為鹿苑寺是也

按集中題云舍弟縉紘統者皆公同產弟也惟縉集
不著其從弟綵與蕃亦不詳所出且公兄弟五人皆
無後故公詩云自想蔡邕今已老不知書籍與何人
耿漳詩云不知登座客誰得蔡邕書豈不惜哉

按公卒之歲舊史稱乾元二年七月新史稱上元初

卒年六十一相去半年其集載為弟縉謝散騎常侍
表尾又繫以上元年月則上元時公尚未亡豈二史
不合耶抑乾上二字有訛耶今姑從舊傳所紀云

聖厯元

則天皇
后稱制
正月甲
子大赦
改元賜
酺九日

公以是
年生於
河東郡

年戊戌

中宗自
房陵還

聖厯二

年巳亥

久視元

正月癸
丑上以
所疾康
復大赦
改元為
久視

年庚子

長安元

正月丁丑改元大足十
月辛酉改曰長安

年辛丑

長安二

年壬寅

長安三

年癸卯

長安四

年甲辰

神龍元

春正月大赦改元傳位
於皇太子冬十一月壬
寅崩於上陽宮諡曰則
天大聖皇帝

年乙巳

神龍二

年丙午

景龍元

九月庚子大赦改元賜
文武官階勲爵
公年十歲

年丁未

景龍二

二月庚寅大赦十一月
巳卯大赦賜酺三日

公年九歲按宋祁云九
歲知屬辭與弟齊名

年戊申

景龍三

十二月庚子幸兵部尚書韋嗣立莊封嗣立為

公年十二歲後贈韋給事詩云側聞景雲際云云即其時也

年巳酉

逍遙公

景雲元

六月壬午韋皇后自立為皇太后皇太子即皇

公從岐王遊集中有過楊氏別業及夜讌衛家

年庚戌

帝位以睿宗參謀政事七月巳巳改元曰景雲封岐王實封五百戶拜太常卿兼大將軍太子太傅

山池應教詩

太極元

五月戊寅改元延和巳丑大赦改元太極八月

年壬子

丙寅改元先天

開元元

前先天十一月戊子上
加尊號即位改元為開

公年十五歲按劉會孟

年癸丑

元

注云是年公為友人題
雲母障詩

開元二

年甲寅

開元三

年乙卯

公年十七歲九月九日
有憶山東兄弟絕句

開元四

公年十八歲時賦洛陽
女兒行并哭祖六自虛

年丙辰

開元五

年丁巳

開元六

年戊午

開元七

年巳未

開元八

詩

公年十九歲赴京兆府
試復賦桃源行李陵詠
時岐王薦以解頭登第

公年二十歲時寧王憲
命賦息夫人詩

年庚申

開元九

公年二十三歲以進士擢第調大樂丞

年辛酉

開元十

公年二十四歲坐累謫濟州贈祖詠賦四賢歌

年壬戌

神女過趙叟家宴并作裴耀卿遺愛碑

開元十一

年癸亥

開元十二

詔封岱嶽弘文生房琯公年二十六歲公與房
撰封禪書及牋啓上之次律相往來詩贈次律

年甲子

之廬氏縣

開元三

年乙丑

開元四

年丙寅

開元五

年丁卯

開元六

公年三十歲

年戊辰

開元十七

年巳巳

開元十六

年庚午

開元十九

年辛未

開元二十

公年三十四歲時公在
京兆為京兆尹張公作

年壬申

德政碑

開元二十

一年癸酉

開元二十

公年三十六歲時五月
戊子張九齡為中令擢
公右拾遺作詩獻之

二年甲戌

開元二十

公年三十七歲歷監察
御史出使塞上有使至
塞上及出塞等作

三年乙亥

開元二十

四年丙子

開元二十

正月癸卯道士尹愔為
諫議大夫集賢院學士

五年丁丑

兼知史館事

公年三十九歲時和尹
諫議史館山池之作十
一月中公與長史源乾
曜同在崔常侍幕賦詩
送之并代崔祭姜將軍
文

開元二十

公年四十歲

六年戊寅

開元二十

七年己卯

公年四十一歲五月在
長安與大薦福寺道光
禪師往來為銘其塔於
畢原

開元二十

八年庚辰

開元二十

上夢玄元皇帝詔兩京各置廟以白石為玄元

九年辛巳

皇帝真像

公年四十三歲時應制和慶玄元皇帝之作并見真容表上賀

天寶元

正月丁未大赦改元

公年四十四歲官右拾遺奉制書為門下起赦書表

年壬午

天寶二

桂陽百姓云是年村人常見有五野豬化

公年四十五歲進古樂器表又誌任城尉裴回

年癸未

為石物五枚扣之聲律相和進為樂器

之墓

天寶三

正月丙申改年為載敕
兩省五品以下祖餞朝
集使御製詩以送之

是載公官補闕拾遺俱
隸門下省故有奉和御
製送朝集使作

天寶四

載乙酉

天寶五

載丙戌

天寶六

載丁亥

在京師

天寶七

八月己亥朔詔改誕節為天長六月大同殿柱

公年五十歲為右補闕有聖節應制歌并賀玉芝詩上之

載戊子

產芝神光照殿

天寶八

十月置老君像於朝元閣即其處立降聖觀

公年五十一歲扈從驪山與宰臣同望登降聖觀應制有作

載己丑

天寶九

載庚寅

天寶十

載辛卯

天寶十一

載壬辰

天寶十二

載癸巳

天寶十三

載甲午

天寶十四

載乙未

公年五十五歲時南岳
瑗公遊長安與之遊處
作序送之南歸

在京師

二月丁酉祿山陷東京公年五十七歲二月四
高仙芝鎮陝郡三月甲鎮節度使仙芝等肅將
寅宴羣臣於勤政樓上天威公乃為兵部起露
賦柏梁體羣臣畢和布三月三日侍宴勤政

天寶十五

六月祿山入長安潼關

載丙申

七月玄宗幸蜀甲子肅宗即位於靈武改元至德八月壬午大赦為安祿山脅從能自歸者原之詔以三等定罪

至德二

正月安慶緒弒其父祿山慶緒寇河南河北諸

載丁酉

州二月肅宗次於鳳翔十月至自靈武十二月玄宗至自蜀

樓應制又詩贈送睢陽太守李峘赴任

公年五十八歲為給事中扈從不及為賊得服藥稱瘡拘於普施寺後詩聞行在肅宗嘉之授太子中允有奉簡新除使君諸公之作及除謝太子中允表

乾元元

二月改元復以載為年

公年六十歲遷太子中庶子中書舍人復拜給事中轉尚書右丞

年戊戌

乾元二

三月鄴城師潰史思明殺安慶緒思明寇河南河北諸州

公年六十一歲七月卒於藍田之輞川第時以縉留鳳翔忽索筆作別其弟及諸親故後葬於施寺之西

年己亥

後進好事顧生曰史臣傳表之作尚矣自隋以前

右丞氏宗人王方慶所作譜乘不可得而攷唐以來乃頗可著按歐宋因劉史之舊撫撰文藝世系

中紀右丞卒之年月蓋其詳哉至於敘遷拜則骭
節相脗又襍內公素履大較多本舊評茲信以傳
信亦牽於會孟所聞也余邇公考終以往既有時
數旋蹟其上舉筮仕左降歸老交遊制作之類類
綜二傳所書而論次其年月豈悞也哉於是虜上
述國典下繫公事始聖歷以訖乾元為作年譜時
癸丑蜡朔記

王右丞集進表

臣縉言中使王承華奉宣進止

文苑英華有應是王維文賦並仰錄寫進上者

十三字令臣進亡兄故尚書右丞維文章恩命忽臨以驚

以喜退因編錄又竊感傷臣兄文詞立身行之餘力當

官一作常持堅正秉操孤直縱居要劇不忘清淨實見時輩

許以高流至於晚年彌加進道端坐虛室念茲無生乘

興為文未嘗廢業

一作筆

或散朋友之上或留篋笥之中

臣近搜求尚慮零落詩筆共成十卷今且隨表奉進

一作

進曲承天鑒下訪遺文魂而有知荷寵光於幽窆歿而
不朽成大名於聖朝臣不勝感戴悲歡之至謹奉表以
聞臣縉誠惶誠恐一作懼頓首頓首謹言銀青光祿大夫
尚書兵部侍郎兼御史大夫臣王縉表上

唐代宗皇帝批答手敕

敕卿之伯氏天下文宗位歷先朝名高希代抗行周雅
長揖楚辭調六氣於終篇正五音於逸韻泉飛藻思雲
散襟情詩家者流時論歸美誦於人口久鬱文房歌以

國風宜登樂府眎朝之後乙夜將觀石室所藏歿而不
朽柏梁之會今也則亡乃眷棣華克成編錄聲猷益茂
歎息良深

以上表敕俱見文苑英華唐詩紀事

欽定四庫全書薈要卷一萬三千六百二十四

集部

王右丞詩集卷一

唐王維撰

明顧起經注

五言古詩

四時

早春行

紫梅發初遍黃鳥歌猶澁誰家折楊女弄春如不及愛

水看粧坐羞人映花立香畏風吹散衣愁露濕玉閨
青門裏日落香車入游衍益相思含啼向綵帷憶君長

入夢歸晚更生疑不及紅簷鸞雙棲綠草時

西京雜記
修上林苑

羣臣各獻名果有紫蒂梅毛詩黃鳥于飛疏或謂之黃
栗畱一名倉庚一名商庚一名鷺黃一名楚雀齊人謂
之搏黍方言鸞黃自闕而西或謂之黃鳥謝靈運有折
楊柳行庾肩吾詩看妝畏水動梁簡文帝詩飄飄散香
勢史記淮南王傳子胥曰吾恐宮中生荆棘露霑吾衣
陶潛詩夕露霑我衣前漢書注霸城門民間所謂青門
也漢宮殿名長安有青綺門別國洞冥記有青雀羣飛
於霸城門迺改爲青雀門三輔黃圖云長安城東出南
頭第一門曰霸城門民見其門青色因名曰青城門廟
記隋都長安故陳正理曰青門之外有死不能後魏宇

文泰殺柔然可汗於青門外則知周隋之時猶名爲青門也曹公卞夫人書送私所乘者香車一乘毛詩注游衍寬縱之意梁元帝詩含媚向羅幃班婕妤賦中庭淒兮綠草生梁江總詩不用庭中賦綠草

晦日游大理韋卿城南別業

文苑英華及劉須溪校本題下俱云四聲

依次用各六韻荆楚歲時記元日至月晦並爲醺聚飲食每月皆有晦朔正月初年時俗重以爲節王燭寶典元日至月晦人並爲醺食士女悉湔裳酌酒於水湄以度厄唐志德宗時李泌請廢正月晦二月朔爲中和節乃著令前此以正月晦日爲節也舊唐書韋虛舟京兆萬年人舉孝廉自御史累至司勳郎中歷長史刺史采訪使入爲刑部侍郎終大理卿父子兄弟更踐郎署時稱郎官家今公詩有朱輪故鄉等語意即京兆韋氏也

與世澹無事自然江海人側聞塵外遊解駮一作輓朱

輪平一作極野照暄景上天垂春雲張組竟北阜汎舟過

東鄰故鄉信高會牢醴及佳辰一作家臣幸同擊壤樂心荷

堯爲君

莊子江海山林之士宋書隱逸傳放情江海列子吾側聞之司馬遷書側聞長者之遺風矣莊

子孔子彷徨塵垢之外宋書王徽報書深言塵外之適殷仲文詩肅此塵外軫續興服志景帝中元五年詔六

百石施車暫得鈞五朱軹廣韻軹軹也漢輿服志公列侯安車朱斑輪古今注武帝天漢元年令諸侯王大國

朱輪楊惲書乘朱輪者十人左思詩朱輪竟長衢曹植詩上天垂春雲吳都賦張組幃謝靈運詩張組眺倒景

西都賦賦北阜謝靈運詩卜室倚北阜周易東鄰之殺牛漢書游子歸故鄉史記項羽傳飲酒高會注韋昭曰

皆召尊爵服虔云大會也帝王世紀帝堯之世有八九
十老人擊壤而歌高士傳壤父者堯時人也有擊壤歌
論衡有五十人擊壤於途風土記壤以木爲之前廣後
銳可長尺三四寸形如履臘節童少以爲戲分部如摘
博藝經云長尺四濶三寸將戲先側一壤於地遂於三
四十步以手擊中壤敲之中者爲上釋名曰野老之戲
也玄晏云十七時與從姑子果卿等擊壤於路則晉時
尚此戲矣吳盛彥賦曰以手中之壤敲地上之壤如今
以錢取之之類也謝靈運詩獲我
擊壤情論語大哉堯之爲君也

郊居杜陵下永日同攜手仁人

一作

里藹川陽平原見峯

首園廬鳴春鳩林薄媚新柳上卿始登席故老前爲壽

臨當遊

一作送

南陂約略執杯酒歸與紉

一作繼

微官惆悵

心自咎

勝選。漢書尹翁歸後徙居杜陵注故杜伯國宣帝更名水經注元帝初元元年葬先帝杜陵

北去長安五十里陵之西北有杜縣故城秦武公縣之漢宣帝元康以杜東原上爲初陵更名杜縣爲杜陵也三輔黃圖宣帝杜陵在長安城南帝在民間好遊鄠杜間故葬此長安志杜陵今在奉元城東南二十五里三趙村陵在高原之上即所謂鴻固原也陵之制正方詢之居人每方百二十步據地六十畝四面去陵十餘步皆有觀闕基趾真誥杜陵宣帝少依許氏在杜縣葬於南原徙關東名族四十五姓以陪杜陵毛詩聊以永日王粲詩庶茲永日毛詩攜手同行李陵詩攜手上河梁荀子仁有里仁非其里而虛之非禮也思立賦匪仁里其馬宅兮爾雅高平曰原謝靈運詩遂登羣峯首南都賦宮室則有園廬舊宅張華詩于今比園廬曹植詩春鳩鳴飛棟漢書馬融隱處安林薄師古曰草藁生曰薄楚詞注草木交曰薄陸機詩林薄杳阡眠左傳賓之以

上卿國語注上卿執政命於天子者也毛詩召彼故老
西都賦命夫諄諄故老史記后妃傳武帝奉酒前爲壽
又莊王置酒優孟前爲壽注上酒爲壽非大行酒蘇武
詩羽翼臨當乖登樓賦有歸與之歎音潘岳詩豈敢陋
微官楚詞惆悵兮私自憐

冬中餘雪在墟上春流駛風日暢懷抱山川好天

一作多秀

氣雕胡先晨炊

一作豐酌

庖膾亦後

一作雲

至高情浪海嶽浮

生寄天地君子外簪纓埃塵良不啻所樂衡門中陶然

忘其貴

漢書周舉傳每冬中輒一月寒食山居賦楚溫泉於春流何遜詩君隨春水駛西京雜記菰之

有米長安人謂之雕胡通志略雕胡蔣米也又云菰曰蓬今人謂之茭爾雅雕蓬者米茭也其米謂之雕胡可

作飯史記韓信傳乃晨炊蓐食郊祀志注炊謂饔爨後漢書陰興嘗臘日晨炊而竈神形見沈約詩雕胡方自炊毛詩魚鼈膾鯉莊子其生若浮劉植詩廣路揚埃塵尚書不啻如自其口出玉篇買賣云不啻毛萇傳衡門如字衡橫也注橫木爲門也門之深者有阿塾堂宇此惟衡木爲之詩義問橫一木作門而上無屋謂之衡門漢書注機木爲門顏師古曰橫木爲門貧者之居也陶潛詩陶然自樂

高館臨澄陂曠然

一作望

蕩

一作理

心目淡蕩動雲天玲瓏

映墟曲鵲巢結空林雉雊響幽谷應接無閒暇徘徊以

一作似

躑躅紆組上春堤側弁倚喬木弦望忽已晦後期

洲應綠

天台賦恣心目之寥朗莊子黃帝得之以登雲天謝靈運詩崔嵬刺雲天甘泉賦和氏玲瓏注

玲瓏明見貌謝靈運詩環洲亦玲瓏陶潛詩時復墟曲
中毛詩維鵲有巢注鵲善爲巢其巢最爲完固張景陽
詩鳴鶴括空林禮記月令雉雖雞乳說文雖雉鳴也雷
始動雉雖而鳴晉書張華傳武庫中忽有雉雖世說新
語王子敬云從山陰道上行使人應接不暇荀子鉛過
故鄉則以徘徊焉躑躅焉注徘徊旋飛翔之貌躑躅以
足擊地也說文曰躑躅住足也廣雅躑躅踟蹰也舞鶴
賦躑躅徘徊毛詩注組間次五采爲之禮疏薄濶爲組
隋書弁之制按五經通義高五寸前後玉飾詩會弁如
星董已曰以鹿皮爲之尚書顧命四人綦弁執戈釋名
弦月半之名也其形一旁曲一旁直若張弓弦也望月
滿之名也月大十六日月小十五日在東月在西遙
相望也晦灰也火死爲灰月光盡似之也尚書正義當
月之中日月相望故以月半相望望去晦朔皆不滿十
五也又半此望去晦朔之數名曰弦弦者言其光正半
如弓弦也後漢歷律志光盡體伏謂之晦李陵詩弦望

自有時何遜詩
我行朔已晦

春夜竹亭贈錢少府歸藍田

唐書文藝傳錢起字仲文吳興人天寶中

舉進士與郎士元齊名時語曰前有沈宋後有錢
郎終考功郎中長安志藍田縣秦舊縣也竹書記
年梁惠王命太子向爲藍田君水經注藍田縣蓋
太子向之邑漢書藍田縣秦孝公置山出美玉周
禮曰玉之美者曰球其次曰藍按縣秦屬內史漢
屬京兆尹後魏省縣孝文帝復置隸京兆郡後周
析縣置玉山白鹿入藍田以隸京兆唐武德三年
析藍田置玉山縣貞觀三年皆省入藍田仍隸京
兆府又錢起有酬
公一首見同詠集

夜靜羣動息時聞隔林犬卻憶山中時人家澗西遠羨

君明發去采蕨輕軒冕

莊子善卷曰日入而息尸子晝動而夜息天之道也陶潛詩日

入羣動息毛詩明發不寐注謂將旦而光明開發也謝靈運詩皎皎明發心毛詩言采其蕨爾雅蕨蕨初生無葉可食狀如大雀拳足又如其足履也故謂之蕨詩疏秦國謂之蕨齊魯謂之蕨管子先王制軒冕以著貴賤謝眺詩志狹輕軒冕

新晴晚望

新晴原野曠極目無氛垢郭門臨渡頭村樹連溪口白

水明田外碧峰出山後農月無閒人傾家事南畝

禮記月令

周視原野王景興書想亦極目而迴望謝靈運詩極目睎左濶又詩而不纓垢氛毛詩饁彼南畝

苦熱

樂府解題苦熱行備言流金燂石火山炎海之艱難也通志略時景二十五曲有苦熱行

公亦擬作樂府詩集收此首於雜曲歌詞下

赤日滿天地火雲成山嶽草木盡焦卷川澤皆竭涸輕
紉覺衣重密樹苦陰薄莞簟不可近締綌再三濯思出
宇宙外曠然在寥廓長風萬里來江海蕩煩濁却顧身

爲患始知心未覺忽入甘露門宛然清涼樂

何遜詩赤日下城圓

虎韜夜則火雲萬炬括地圖天毒國最大暑熱夏草木皆乾死應休璉書頃者炎旱草木焦卷何遜詩昔聞草木焦劉鑠詩坐見輕紉縞毛詩上莞下簟注莞蒲席也竹葉曰簟又詩爲締爲綌締兮綌兮周禮掌葛以時締

俗之財文子上下四方謂之宇往古來今謂之宙鶚冠
子合膊同根命曰宇宙陶潛詩俛仰終宇宙楚詞嗟寥
廓而無處左思詩壁立何寥廓宋書宗慤願乘長風破
萬里巨浪嘯賦集長風乎萬里陸機樂府長風萬里舉
彌陀經劫濁見濁煩濁衆生濁命濁涅槃經一切衆生
開甘露門大寶積經願開微妙甘露門普曜經甘露門
開如何不出度生品法華經如以甘露灑除熱得清涼
傳燈錄僧神光者久居伊洛事達磨夜天大雨雪光堅
立不動悲淚曰惟願和尚慈悲開甘露門濟度羣品寶
積經有風輪名清涼涅槃經有國多清涼風能除一切
鬱蒸之惱禪法要解經云何第三禪樂世間最樂粗者
爲喜根細者爲樂根辟如極熱得清涼水持洗手面是
名爲喜入清涼
池是名爲樂

納涼

喬木萬餘株清流貫其中前臨大川口豁達來長風連

漪涵白沙素鮪如遊空偃卧盤石上翻濤沃微躬漱流

復濯足前對釣魚翁貪餌凡幾許徒思蓮葉東

毛詩南有喬木

論衡觀喬木知舊都石崇思歸引柏木幾於萬株景福

殿賦爾廼開南端之豁達注豁達門通之貌劉禎詩豁

達來風涼毛詩河水清且漣漪爾雅風行水成文曰漣

水波如錦文曰猗山海經注鮪似鱣而長一名鱣古今

注鱣之大者曰鮪廣雅鮪仲春從河西上得過龍門化

爲龍爾雅疏鮪魚形似鱣而青黑頭小而尖似鐵兜鍪

大者爲王鮪小者爲鮪鮪今東萊遼東謂之尉魚或謂

仲明尉溺死化爲此魚月令春薦鮪於寢廟夏小正祭

鮪魚之先至者也列子紀昌歸偃卧其妻之機下嚴光

傳因其偃卧謝靈運詩偃卧任縱誕嘯賦坐盤石漱清

泉注盤石大石也宋書蕭思話登鍾山中道上有盤石
清泉沈約詩使欲息微躬宋書顧協從外祖張永撫之
曰兒欲何戲協曰兒正欲枕石漱流世說新語孫子荆
語王武子當枕石漱流誤曰漱石枕流真仙通鑑葛公
曰枕石漱流吾所樂也文子混混之水濁可以濯吾足
晉書隱逸傳翟莊曰貪餌吞鉤宋書王或傳字景文帝
嘗與羣臣臨天泉池帝垂綸良久不獲景文越席曰臣
以爲垂綸者清不獲貪餌衆皆稱善楚詞知貪餌而近
斃歸田賦貪餌吞鉤古詞江南曲
魚戲蓮葉東劉導詩垂釣蓮葉東

秋夜獨坐懷內弟崔興宗

按公之母乃崔氏意妻亦崔姓與興宗同行故

公稱之曰內弟新唐書宰相世系表第二房崔氏
恭禮駙馬都尉博陵郡男其子興宗饒州長史即
公之內弟也

夜靜羣動息蟋蟀聲悠悠庭槐北風響日夕方高秋思

子整羽翰及時當雲浮吾生將白首歲晏思滄洲高足

在旦暮肯爲南畝儔

羣動息注見前莊子注蟋蟀夏蟬也離騷蟋蟀鳴兮啾啾釋蟲云蛭

蟋蟀蟬即此是也莊子音義以爲此即楚辭所謂寒蟬也按風土記蟋蟀鳴於朝蟬鳴於夕則寒蟬蟋蟀又爲兩物司馬相如云蟋蟀寒蟬也一名蛭蟬春生夏死夏生秋死爾雅關東謂蟋蟀爲蛭蟋齊謂之蟋蟀也方言云蛭蟋齊謂之蟋蟀楚謂之蟋蟀或謂之鈴蛭秦謂之蟋蟀自關東謂之蛭蟬或謂之蛭蟬或謂之蛭蟋然則亦皆蟬之別名耳說苑孔子曰蟋蟀之聲猶尚在耳阮籍詩蟋蟀鳴荆棘陶潛詩日夕歡相持吳都賦理翮整翰何遜詩無生羽翰達旨冠蓋雲浮陸機詩雙闕似雲浮是詞歲既晏兮復孰與歸杜陽雜編隋大業九年元

藏幾爲過海使判官風飄至洲島間舟人云此滄洲去
中國已數萬里其洲方千里花木常如二三月人多不
死居所或金闕銀臺玉樓紫閣洲上有久視山有金池
水石泥沙皆如金色有金莖花如蝶人皆帶之曰不帶
金莖花不得到仙家藏幾淹留既久忽念中國洲人製
凌風舸以送之不旬日即達東萊謝朓詩復憶滄洲趣
古詩何不策高足注高上也亦謂逸足也莊子知其解
者是旦暮遇之也謝靈運詩欽聖若旦暮南畝注見前

冬日遊覽

步出城東門試騁千里目青山橫蒼林赤日團

下字佳

平

陸渭北走邯鄲關東出函谷秦地萬方會來朝九州牧

鷄鳴咸陽中

一作市

冠蓋相追逐

平實悲壯古意雅辭樂府所少

丞相過

列侯羣公餞光祿相如方老病獨歸茂陵宿

更似不須語言三

輔黃圖長安城東出第二門曰清明門漢元始四年東風吹屋瓦且盡卽此門也漢宮殿疏曰第二門名城東門莽更曰宣德門阮籍詩步出上東門謝靈運詩步出西掖門諸葛亮梁父吟步出齊城門觀此則知公首句皆樂府語也赤日注見前釋名高平曰陸陸漉也水流漉而去也謝朓詩夕陰曠平陸史記景帝紀冬以趙國爲邯鄲郡漢書慎夫人從上指示慎夫人新豐道曰此走邯鄲道也水經注單盡也城郭從邑故加邑邯鄲之名蓋指此以立稱矣謝靈運詩北眺邯鄲道戰國策注函谷關名在弘農正義云陝州西南有洪溜澗古函谷也今屬靈寶縣漢書武帝三年東徙函谷於新安元鼎二年楊僕請以家僮七百人築塞徙關於新安昔郭丹曰不乘駟馬高車終不出此關卽此處也文穎曰秦東關也在弘農縣外衡山嶺下史記注今陝州靈寶縣南

十里秦函谷關也水經注歷北出東嶠通謂之函谷關也雍錄秦函谷關在唐陝州靈寶縣南深險如函故以爲名日入則閉鷄鳴則開東自穀山西至潼津通名函谷漢函谷關在唐河南府新安縣東蓋漢世楊僕移秦函谷關而立之於此也袁淑詩秦地天下樞隋薛道衡詩萬方皆集會左傳滕侯薛侯來朝又注九州之牧貢金也北山移文馳聲九州牧史記索隱咸陽秦所都漢高更名新城漢武更名渭城應劭曰今長安也關中記秦孝公都咸陽今渭城是始皇都咸陽今城南大城是也山南曰陽水北亦曰陽其地在渭水之北又在九畹諸山之南故名咸陽黃圖咸陽在九畹山渭水北山水俱在南故名咸陽雍錄秦咸陽在京兆西徼北四十里本杜縣地至唐咸陽縣則在秦都之西二十里名雖襲秦非故處矣東都賦秦里其朔實名咸陽鼂錯䟽冠蓋相望古詩冠蓋自相索職官考秦悼武王始置丞相官相國丞相皆秦官漢官儀云皆六國時官初漢置常以

列侯爲相百官表郎中令秦官漢武更名光祿勳璣曰
主郎內諸官應劭曰光明祿爵勳功也今公云丞相列
侯錢光祿者意游覽所見直賦其事耳史記相如旣病
免家居茂陵前漢書注武帝自作陵也本槐里縣之茂
鄉故曰茂陵黃圖武帝茂陵在長安城西建元二年初
置茂陵邑十道志茂陵宣帝置武帝時已徙戶居之至
宣帝進爲縣屬咸陽縣陰憲雜錄僧皎然云直用事乃
第三格如王維冬日遊覽云相如今老病獨歸茂陵宿
也是也

冬夜書懷

冬宵寒且永夜漏宮中發草白靄繁霜木衰澄清月麗
服映顏顏朱燈照華髮漢家方尚少顧影慙朝謁

漢書東方

朔傳以夜漏下十刻乃出漢舊儀使夜漏起宮衛毛詩
正月繁霜洛神賦沾繁霜以至曙陶潛詩菊能制頽顏
漢紀仇香曰母既若斯華髮矣傅休奕詩一別終華髮
列子顧若影則知之宋書王微書誠不能顧影負心陸
機詩顧影私自憐漢書霍雲當朝請蒼頭奴上朝謁文
穎曰朝常用謁不自行而令奴上謁也通典諸給事中
日上
朝謁

山川

華嶽

文苑英華題曰華山陝通志作華山歌周官
豫州其山鎮曰華山華山記云山頂有池生

千葉蓮華服之羽化因曰華山山海經一名太華
太華之山削成而四方高五千仞其廣千里爾雅
疏西嶽爲華華之爲言獲也言萬物成熟可得獲
也風俗通華者華也萬物滋然變華於西方也國

語謂之西吳秦都咸陽以爲西嶽山經云華山在弘農華陰縣西南古之敦物山也一名錢來之山

西嶽出浮雲積翠在太清連天疑黛色百里遙青冥白

日爲之

一作大

寒森沈華陰城昔聞乾坤開

一作開

造

一作變

化生巨靈右足踏方止

一作山

左足推削成天地忽開拆

大河注東溟遂爲西峙嶽

一作岳峙

雄雄鎮秦京大君包覆

載至德被羣生上帝佇昭告金天思奉迎人祇望幸久

何獨禪雲亭

尚書至於西嶽玄宗西嶽碑序據中土西偏當七宮正位是稱西嶽禮記山川出雲

說文云雲山川氣也春秋元命苞觸石雲出顏延年詩積翠亦蔥菁注松柏重布曰積翠淮南子注太清者元

氣之清者也楚詞據青冥而攬虹兮方域志華山在華
州華陰縣界述征記華山對河東首陽山黃河流於二
山之間云本一山河神巨靈擘開以通河流今觀手跡
于華嶽而脚跡在首陽之下水經注國語華嶽本一山
當河水過而曲行河神巨靈手盪脚踏開而爲兩今掌
足之蹟仍在雲笈七籤華山高七千丈洞周廻二千里
名太極總仙之天少昊爲白帝治西嶽巨靈神手擘其
上足決其下以通河流上應井鬼之精下鎮秦地之分
通甲開山圖有巨靈胡者徧得神元之道能開坼山川
三教感通錄雍州巨靈大人秦洪海者以左掌托太華
右足躡中條太乙爲之裂魏都賦云巨靈鼎扇西京賦
云高掌遠蹠以流河曲者是也華山志巨靈與元氣一
時而生混沌之師九元祖也漢武帝觀仙掌於縣內特
立巨靈祠焉郭璞華山贊華嶽靈峻削成四方仙掌辯
云昔河自積石出於西流既越龍門坼波左旋將走東
溟莊子注廣大竊冥故以溟爲名席豫楊仲宣碑倚京

師而西峙齊謳行百二倅秦京注闕西地秦爲咸陽漢爲京兆故曰秦京傳玄銘天以高明崇顯而嶽配焉地以廣厚爲基而嶽體焉若夫太華之爲鎮也五嶽列位而存其首三條分方而處其中故能參兩儀以比德協和氣之綱經莊子吾欲觀陰陽以遂羣生董仲舒策曰羣生和而萬物殖故公詩云包覆載被羣生言嶽之神靈上與天地同體中與大君同用耳思玄賦注金天西方少昊所主也家語少昊配金文獻通考武后先天三年封華嶽爲金天王順聖帝華山碑其行配金其氣直酉史記無懷封泰山禪雲亭黃帝禪雲亭郡國志鉅平侯國有亭禪山即古所禪亭亭者也風俗通五帝禪於亭亭隋書禮儀志會稽鎮雲雲山亭亭山並從祀通志亭亭山在泰步州五十里昔無懷氏封泰山禪雲雲服虔曰雲雲在梁父東山名也晉灼曰山在蒙陰縣故城東北下有雲雲亭虛義封泰山禪雲雲神農封泰山禪雲雲炎帝封泰山禪雲雲黃帝封泰山禪亭亭服虔曰

山在牟陰晉灼曰地理志鉅平有亭亭山祠顯帝封泰山禪雲雲帝營封泰山禪雲雲堯封泰山禪雲雲舜封泰山禪雲雲禹封泰山禪會稽湯封泰山禪雲雲

藍田山石門精舍

唐詩紀事亦載此詩文苑英華注云集本二詩共爲一首長安

志藍田山在長安縣東南三十里范子計然曰玉美出藍田一名覆車山述征記山形如覆車之象亦名玉山後魏風土記山巔方二里聖賢仙隱之處劉福鳴學道於此西又有尊盧氏塚次北有女媧氏谷雍錄驪山在周爲驪戎國即藍田山也藍田谷即驪山之谷亦名藍田山也通志石門精舍在藍田山石門寺王摩詰嘗遊于此題云落日山水好云云是也

落日山水好漾舟信歸風玩奇

一作寄

不覺遠因以緣源

窮遙愛雲水秀初疑

一作言

路不同安

一作誰

知清流轉偶

與前山通

此景自常有之其詩亦若思意故是佳趣

捨舟理輕策果然愜所

適老僧四五人逍遙蔭松柏朝梵林未曙夜禪山

一作心

更寂道心及牧童世事問樵客暝宿長林

一作井

下焚香

卧瑤席澗芳襲人衣山月映石壁再尋畏迷誤明發更

登歷

世外好

笑謝

一作問

桃源人花紅復來覲

謝靈運詩舍舟眺迴

渚楚辭飲石泉兮蔭松柏絕交書逾思長林楚辭瑤席
兮玉瑱郊居賦其芳襲余月賦微霜沾人衣謝靈運詩
石壁映初晰明發注見四時桃花源記晉太康中武陵
人捕魚爲業緣溪行忘路之遠近忽逢桃花林夾岸數

百步中無雜樹芳草鮮美落英繽紛漁人甚異之復前行
林盡水源便得一山山有小口髣髴有光便捨舟而
入初纔通人復行數十步豁然開朗土地平曠屋舍儼
然有良田美池桑竹之屬阡陌交通雞犬相聞其中往
來種作男女衣着悉如外人黃髮垂髫怡然自樂見漁
人大驚問所從來具答之便要還家爲設酒殺雞爲食
自云先世避秦時亂率妻子邑人來此絕境不復出遂與
外人間隔問今是何世此人一一爲具言皆歎惋停數
日辭去既出得船便扶向路處處誌之遂迷不復得路
三洞羣仙錄晉太康中武陵漁人黃道真汎舟泝流而
入見山中桃花夾岸落英繽紛觀一石洞洎流中吐寒
聲漱玉居室蟬聯池亭連貫雖男冠女服略同於外然
所服鮮潔顏色燦然見道真甚悅遽邀至家爲具酒問
今所歷代道真具以實告衆皆歎曰何人世之多遷貿
也道真辭出他日復尋花源之路乃迷不復見矣商瑤
云維詩詞秀調雅意新理愜一字一句皆出常境至如

落日山水好漾舟信歸風又澗芳襲
人衣山月映石壁詎肯慚於古人也

崔濮陽兄季重前山興

公自注山西去亦對維門唐書蘓源明出爲東平太

守議廢濟陽析五縣分隸濟南東平濮陽詔河南
採訪會濮陽太守崔季重議於東平不能決戰國
策注濮陽縣屬東郡春秋時帝丘也西漢地理志
濮陽衛成公自楚丘徙此故帝丘顓頊墟莽曰治
亭水經注濮水逕其南故曰濮陽也沛公守濮陽
環之以水是也宋書州郡志南濮陽太守屬兗州
晉武帝咸寧三年封子允有濮陽縣故曰濮陽國
唐書地理志濮陽緊武德四年置興地考濮州春
秋戰國爲衛都後爲宋所侵秦城濮陽置東郡二
漢屬東郡濟陰晉分置濮陽國後魏後周因之隋
初郡廢置濮陽以其地入東郡東北濟北
三郡唐復置濮州或爲濮陽郡屬河南道

秋色有佳興況君池上閒悠悠西林下自識門前山

又別

又別有
道之言

千里橫黛色數峯出雲間嵯峨對秦國合沓藏

荆關殘雨斜日照夕嵐飛鳥還故人今尚爾歎息此顏

顏

陶潛詩秋菊有佳色陸機詩崇山鬱嵯峨早雲賦遂
積聚而合沓謝朓詩合沓與雲齊碑蒼嵐山風也謝

靈運詩夕曛嵐氣陰管子夫鳥之飛必還山集谷也陶
潛辭鳥倦飛而知還謝朓詩故人心尚爾顏注見四
時

石處士山居

劉校本作李
處士山居

君子盈天階小人甘自免方隨鍊金客林上家絕巘背

嶺花未開入雲樹深淺清晝猶自眠山鳥時一轉

楚辭攀天

階而下視東京賦登聖皇於天階潘岳詩撫翼希天階
抱朴子金丹鍊人身體妙解錄學鍊金液皆望長生不
死爾雅山上濶下小曰巘毛萇詩傳巘小山別大山也
釋名小山別大山曰巘注巘音彥七命於是登絕巘注
絕巘高山也

青溪

文苑英華劉校本並題云過青溪水作通志城固縣有上青溪中青溪下青溪俱發源馬

盤山南流入壻水河由此篇及次篇觀之則知黃花青溪地本相鄰况鳳縣之黃花城固之青溪俱

隸漢中則青溪之出漢中可知矣

言入黃花川每逐青溪水隨山將萬轉趣途無百里聲

喧亂石中色靜深松裏漾漾

一作演漾

汎菱荇澄澄映葭葦

我心素已閒清川

一作明

澹如此請留盤

一作磐

石上垂釣

將已矣

水經注大散水西入黃花川通志黃花川在鳳縣東北一十里唐黃花縣以此名說文菱芰也

楚謂之芰秦謂之薺荇周禮蓬人菱芰也武陵記兩角曰菱爾雅疏荇菜一名接余其葉苢郭璞注蘘生水中

葉圓在莖端長短隨水深淺江東食之亦呼爲苢詩參差荇菜苢與荇同陸璣疏云接余白莖葉紫赤色正圓莖寸餘大如釵股山居賦如水草則蘢苢菱蓮毛詩蒹葭蒼蒼八月荏葦爾雅疏葦卽蘆之成者其類皆有芳莠也水經注盤石卽太公垂釣之所楚辭已矣哉注絕望之詞也謝朓詩心事方已矣按文粹田游巖詩序云贈答弘農青巖曲有盤石方坐宋十一每拂拭待余寄詩贈之云信彼稱靈石居然狎遁棲及讀宋集亦有敬

答田徵君云家臨青溪水溪水繞盤石則知青溪舊有盤石故公落句及之

自大散以往深林密竹蹬道盤曲四五十里至黃

牛嶺見黃花川

水經注大散水西流入黃花川地理志大散源在鳳縣東界大散嶺

後漢書注在陳倉縣南十里有散谷水抱朴子老子西遊遇尹喜於散關唐書帝紀党項羗寇寶雞焚大散關即其地也方輿勝覽大散關在梁泉縣爲秦蜀要路通志大散關在寶雞縣城南通褒斜大路屬漢中府又云黃牛山在漢中府西南五十里黃花川注見前

危徑幾萬轉數里將三休迴環見徒侶隱映隔林丘
颯颯松上雨潺潺石中流靜言深溪裏長嘯高山頭望見

南山陽白露靄悠悠青臯麗已淨綠樹鬱如浮曾是厭

蒙密曠然消人憂

國語楚王誘客以章華之臺登之三休劉孝綽詩出入三休臺毛詩靜言

思之西京雜記東方生每曼聲長嘯神境記靈隱山聞林谷間有長嘯者楚辭臨深水而長嘯古辭高山山頭危陸機猛虎行靜言幽谷底長嘯高山岑故公對法倣此五經要義終南山長安南山也周之名山在長安之南括地志南山即終南山一名太乙一名橘山一名周南一名地肺橫亘關中面南西起秦隴東徹藍田凡八百里連據藍田咸寧長安盤屋之境地理志南山在岐山縣南五十里即終南山連亘扶風鄠縣長安藍田縣界西界大散關蓋南山與大散最近故公云望見南山陽也江淹賦或植蔬圃之蒙密范曄詩遵渚攀蒙密養生論曠然無憂思

宮闕

扶南曲歌詞五首

樂府詩集題云新樂府辭按唐書禮樂志云天寶樂曲皆以邊

地名自河西至者有扶南樂舞南蠻傳扶南在日南之南通典武德初因隋舊制奏九部樂四曰扶南煬帝平林邑獲扶南工人及其訛瑟琴陋不可用但以天竺樂傳寫其聲意即此曲也

翠羽流蘇帳春眠曙不開羞從面色起嬌逐語聲來早

向昭陽殿君王中使催

洞冥記翠羽鱗毫爲簾沈滿願詩明珠翠羽帳子虛賦注流蘇

者緝鳥尾而垂之若流然以其藥下垂故曰蘇今俗亦謂繚頭藥爲蘇吳都賦注流蘇者五色羽飾帷而垂之也宋書五行志桓玄四角金龍銜五色羽葆流蘇海錄碎事盤線繪繡之毼五綵錯爲之同心而下垂者曰流

蕪丹鉛餘錄倦遊錄述流蘇之制但云五綵同心而下
垂者莫能言其始黃公紹書林亦止引晉書割流蘇爲
馬幟皆後世幃帳間所懸耳古者流蘇蓋樂器之飾前
漢書注作流遡周禮注後世合宮懸用之而有流蘇之
飾樂器而用以爲幃帳之懸則自晉以後始也王同詩
綺席流蘇帳西京雜記趙飛鸞居昭陽殿中庭彤朱而
殿上丹漆砌皆銅沓黃金塗白玉階壁帶往往爲黃金
釭含藍田璧明珠翠羽飾之上設九金龍皆銜九子金
鈴五色流蕪帶以綠文紫綬金銀花鐸每好風日幡旒
光影照耀一殿鈴鐸之聲驚動左右雜薰諸香餘香百
日不歇牕扉多是綠琉璃亦皆照達毛髮椽角皆刻作
龍蛇縈繞其間鱗甲分明見者莫不兢慄漢書張讓傳
凡詔所徵求皆令西園騶密約號曰中使吳志朱然寢
疾中使醫藥口食之物相望於道沈約齊王碑注天子
私使曰
中使

堂上青絃動堂前綺席陳齊歌盧女曲雙舞洛陽人傾

國徒相看寧知心所親

用得別。鮑昭樂府當戶弄青絃酒賦綃綺爲席陰鏗詩佳人

遍綺席樂志魏武帝宮人有盧女者故冠軍將軍應叔之姊也七歲入漢宮學鼓琴善爲新聲能傳此曲盧女至明帝崩後放出嫁爲尹更生之妻白苧辭歌洛陽少童邯鄲女催絃急管爲君舞漢書李延年歌再顧傾人國

香氣傳空滿粧華影箔通歌聞天仗外舞出御樓中日

暮歸何處花間長樂宮

三秦記明光宮以金玉珠璣爲箔樂府詩集陸州歌第三云香

風傳空滿粧花映箔紅歌聲天仗外舞態御樓中觀郭獨取公四句入樂府且更影箔通爲映箔紅更聞爲聲

更出爲態意取音律相協耳唐書儀衛志凡朝會之仗
三衛番上分爲五仗皆帶刀促仗列於東西廊下每日
以四十二人立內廊閣門號曰內仗天子出則有細仗
黃麾仗唐輦下歲時記元日御樓御殿金吾爆稍前引
史記叔孫通傳長樂宮成諸侯羣臣皆朝十月前漢高
帝紀徙諸侯於關中治長樂宮闕中記長樂本秦之興
樂也漢太后常居之三輔黃圖長樂宮本秦之興樂宮
也高皇帝始居櫟陽七年長樂宮成徙居長安城三輔
舊事宮殿疏皆曰興樂宮秦始皇造漢修飾之周迴二
十里前殿東西四十九丈七尺兩杼中三十五丈深十
二丈高帝居此宮後太后常居之王莽改爲長樂室近
東直杜門長安志長樂宮漢初作之亦曰東朝太后宮
元和志長樂宮在長安縣西北十五里玉海云隋唐亦
有長樂宮隋志京兆大興縣有長樂宮唐在萬年縣

宮女還金屋將眠復畏明入春輕衣好半夜薄妝成拂

曙朝前殿玉墀多珮聲

漢武帝故事武帝爲膠東王年數歲長公主抱問曰兒欲得婦

否曰欲得指女阿嬌好否笑曰若得阿嬌當以金屋貯之神女賦被服仇薄妝美人賦來脫薄妝梁統詩猶言妝未成黃圖營未央宮因龍首山以制前殿至孝武以木蘭爲棼橰文杏爲梁金鋪玉戶華棖碧瑤雕楹玉碣重軒鏤檻青瑣丹墀黃金爲壁帶間以和氏珍玉風至其聲玲瓏然也長安志王莽改前殿曰王路堂漢官儀注武帝於甘泉宮更置前殿黃圖長樂宮前殿東西四十九丈七尺兩杼中二十五丈深十二丈則知甘泉長樂亦有前殿也西京雜記昭陽殿織珠爲簾風至則鳴珮珩珮之聲

朝日照綺牕佳人坐臨鏡散黛恨猶輕
挿釵嫌未正同

心忽遽遊幸待春粧竟

古詩交疏結綺牕鮑昭詩照我綺牕前梁統詩散黛隨眉廣簡

文帝詩因羞彊正釵
沈約詩開鏡比春粧

早朝

劉校本此詩與五律早朝一首並錄或公一時所作

皎潔明星高蒼茫遠天曙槐霧暗

一作鬱

不開城鴉鳴稍

去始聞高閣聲莫辨更衣處銀燭已成行金

一作重

門儼

騶馭

毛詩明星煌煌注星啓明也何遜詩槐霧曉氛氲思玄賦踰高閣之將將注高閣星名東方朔傳後

迺私置更衣注爲休息易衣之處班固傳稍自引起更衣楊敞傳延年起至更衣漢紀更衣者帝王入廟之使

殿也晉灼曰更衣中謂朝賀易衣服處後漢帝紀注更衣者非正處也寢側之別殿卽更衣也容齋四筆雅志堂後小室名之曰更衣因錄班史語灌夫傳坐乃起更衣以其寒煖或變也田延年起至更衣顏師古注古者

延賓必有更衣之處衛皇后傳帝起更衣子夫侍尚衣
升菴詩話穆天子傳天子之寶璫珠燭銀郭璞曰銀有
精光如燭也梁簡文詩燭銀踰漢女寶鐸邁昆吾江總
貞女峽賦含照曜之燭銀沂潺湲之膏玉唐人詩用銀
燭字本此江總詩挂纓銀燭下史記金馬門者宮署門
也門傍有銅馬故謂之金馬門東漢書孝武皇帝時善
相馬者東門京鑄作銅馬法獻之有詔立
馬於魯班門外則更名魯班門曰金馬門

田廬

瓜園詩

并序

維瓜園高齋俯視南山形勝二三時輩同賦是詩
兼命詞英數公同用園字為韻韻在多少時太子

司議郎薛璩發此題遂同諸公云

按薛璩荆南人官至太子司議

郎殷璠曰璩為人骨鯁有氣魄其文亦爾自傷不早達唐詩紀事云璩開元中自恃才名於吏部參選請授萬年錄事諸流外官共見宰執訴之遂罷又云璩自永樂主簿陟縣丞復選宰陟縣劉長卿高適俱有詩贈寄又云璩與王摩詰在子美最善子美有喜薛三璩授司議郎詩又有寄薛三郎中云詩

余適欲鋤瓜倚鋤聽扣門鳴騶導驄馬常從夾朱軒窮巷正傳呼故人儻相存攜手追涼風放心望乾坤藹藹帝王州宮觀一何繁林端出綺道殿頂播華幡素懷在

青山若值白雲屯，迴風城西雨返景。原上村前酌盈樽。

酒往往聞清言，黃鸝轉深水朱槿。照中園猶羨松下客。

石上聞清猿

後漢書郭祚遷尚書右僕射故事令僕中丞騶唱而入宮門後魏志朱仲達在軍鳴

騶北山移文鳴騶入谷漢書桓典爲御史常乘騶馬尚書大傳未命爲士不得朱軒鄭玄曰軒輿也士以朱飾

之恨賦朱軒繡軸顏延年詩注輜車朱軒使者之車也戰國策蘇秦特窮巷掘門漢紀陳平家乃負郭窮巷陶

潛詩窮巷隔深轍漢書王仲翁出入蒼頭廬兒傳呼甚寵注傳聲而呼從者甚有尊寵也庾信詩傳呼擁絳節

又詩故人僕書劄謝靈運詩金陵帝王州陸機詩佳人一何繁謝靈運詩巖高白雲屯謝混詩白雲屯層阿楚

辭悲迴風之搖蕙兮阮籍詩迴風吹四壁四時纂要西落光返照於東謂之返景劉孝綽詩返景入池林毛詩

旨酒盈尊歸去來辭有酒盈尊謝朓詩賴此盈尊酒晉
中興書王濛特善清言黃鸝注見四時羅浮山記木槿
一名赤槿華甚丹四時數榮南方草木狀朱槿花莖葉
皆如桑葉光而厚樹高止四五尺而枝葉婆娑自三月
開花至中冬卽歇其花深紅色五出大如蜀葵有藥一
條長於花葉上綴金屑日光所燦疑若焰生一蘗之上
日開數百朵朝開暮落挿枝卽
活出高涼郡陶潛詩有務中園

同盧拾遺過韋

一作章非

給事東山別業二十韻給事

首春休沐維已陪遊及乎是行亦預聞命會無車

馬不果斯諾

按盧拾遺盧象也韋給事韋嗣立子恒也東山別業卽嗣立所居驪山舊

第也唐書藝文志盧象字緯卿汶水人初爲左拾遺膳部員外郎爲祿山僞官貶永州司戶左叅軍

韋思謙傳嗣立字延構營別第驪山鸛鵲谷帝臨幸命從官賦詩制序冠篇因封嗣立逍遙公名所居曰清虛原幽棲谷又云子恒擢殿中侍御史累轉給事中觀此則東山別業爲嗣立所創而後爲給事所居者又讀張說東山記略曰兵部尚書同中書門下三品修文館大學士韋公之曲有別業焉石潭竹岸松齋藥畹虹泉電射雲木虛吟茲所謂丘壑夔龍衣冠巢許幸溫泉之歲皇上聞而賞之廼命掌舍設帟金吾劃次太官載酒奉常祀樂停輿輦於青靄竹簾褕於紫氣百神朝於谷口千官飲乎池上緹騎環山朱旆焰野是日卽席拜公道遙公名其居曰清虛原幽棲谷天子賦詩皇后帝女宮嬪邦媛歌焉和焉千載一時難乎此遇此皆言景龍幸東山別業之事後公又有韋給事山居一律卽首春休沐陪遊時所作

託身侍雲陛昧旦

一作早

趨華軒遂陪鴈鴻侶霄漢同飛

翻君子垂惠顧期我於田園側聞景龍際親降南面尊
萬乘駐山外順風祈一言高陽多夔龍荆山積嶼嶠盛
德啓前烈大賢鍾後昆侍郎文昌宮給事東掖垣謁帝
俱來下冠蓋盈丘樊閨風首邦族庭訓延鄉村采地包
山河樹井竟川原巖端迴綺檻谷口開朱門階下羣峯
首雲中瀑水源鳴玉滿春山列筵先朝暎會舞何颯沓
擊鐘彌朝昏是時陽和節清晝猶未暄藹藹樹色深嚶

嚶鳥聲繁顧已負宿諾延頸慙芳孫蹇步守窮巷高駕

難攀援素是獨往客脫冠情彌敦

洞簫賦託身軀於厚土兮謝靈運詩託身

青雲上七略慟興雲陸注天子殿陸也謝朓詩十載朝

雲陸左傳讒鼎之銘曰昧旦丕顯毛詩女曰昧旦恨賦

昧旦神興顏延年詩戒途在昧旦漢書劉向傳王氏乘

朱輪華軒左思詩許史乘華軒韋絢傳上官儀曰接武

夔龍篋羽鵠鷺謝靈運詩照灼爛霄漢左傳昭公曰君

惠顧先君之好鄭伯曰惠顧前好唐書帝紀中宗大赦

天下改元爲景龍十二月庚子幸兵部尚書韋嗣立莊

故云降南面駐萬衆也禮記聖人南面而聽天下戰國

策藍諸君曰齊彊萬衆之國莊子黃帝順下風膝行左

傳昔高陽氏有才子八人尚書注夔龍二臣名韓子楚

人和氏得玉璞於荆山之中曹植書家家自謂抱荆山

之玉棗據詩予非荆山璞左傳注瑱瑤美玉君所佩也

魏文帝書云魯之璵璠是也逸論語璠璵魯之寶玉也
曹植詩亮懷璵璠美尚書俾克紹前烈幽通賦懿前烈
之純淑尚書垂裕後昆任昉序取則後昆言前有思謙
後有恒也漢官儀尚書郎初從三署郎選先試牋奏初
入臺稱郎中滿歲稱侍郎按嗣立代承慶爲鳳閣舍人
黃門侍郎又宇文融薦恒有經濟才侍御史累轉給事
中故公並舉侍郎給事之事美之則知韋氏有高陽世
濟之美矣史記天官書斗魁戴巨六星曰文昌宮文耀
鉤云文昌宮爲天府孝經援神契云文者精所聚昌者
揚天紀故曰文昌宮荀綽云尚書是謂文昌天府也又
云太微宮垣十里東垣北上相名左掖門西垣北上將
名右掖門長安志宣政殿東有東上閣門西有西上閣
門故以掖稱李尋傳注太微宮垣也西垣爲上將東垣
爲上相權德輿傳左右掖垣承天子詔命禁中有東西
兩掖垣乃禁牆也曹植詩謁帝承明廬冠蓋注見四時
月賦長白丘樊毛詩復我邦族陸機詩借問邦族間謝

靈運詩鄉村絕聞見周禮注米地米食者其制三等百
里五十里二十五里又注畿內三等米地家邑大夫之
米地小都卿之米地大都公之米地前漢刑法志注因
官食地故曰米地韓詩外傳古者天子爲諸侯受封謂
之米地方言注古者卿大夫有米地死葬之因名也陶
潛詩白雲宿巖端楊子谷口鄭子真耕於巖石之下十
洲記藏養生而待朱門矣郭景純詩朱門何足榮謝靈
運詩遂登羣峯首長安志韋嗣立構別廬於驪山有重
崖洞壑飛流瀑水故詩云羣峯瀑水也國語趙簡子鳴
玉以相禮記君子行則鳴佩玉釋誨鳴玉以步謝靈運
詩晚見朝日暎樂府珠履颯沓紉袖飛左傳鄭伯有夜
飲酒擊鐘毛詩鳥鳴嚶嚶爾雅疏云嚶嚶兩鳥鳴謝宣
遠詩嚶嚶悅同響論語子路無宿諾列子延頸承刃呂
氏春秋天下皆延頸舉踵矣漢書竇武傳莫不延頸企
踵說文蓀香草生漢側王逸詩階下米芳蓀窮巷注見
前首王僧達詩君子聳高駕劉孝綽詩高駕何由來莊

子要略江海之士山谷之人輕天地細萬物而獨往者也司馬彪曰獨往任自然宋書隱逸傳夫獨往之人皆稟偏介之性郊居賦實有心於獨往謝靈運詩且申獨往意

渭川

文苑英華作水

田家

斜光

一作陽

照墟落窮巷牛羊歸野老念牧童倚杖候荆

扉雉雒麥苗秀蠶眠桑葉稀田夫荷鋤至

一作立

相見語

依依卽此羨閒逸悵然吟

一作歌

式微

晉語吾鼎不當生墟落范雲詩軒蓋

照墟落窮巷注見前首晉春秋謝安所居有石一株常倚杖相對陶潛詩荆扉晝常閉射雉賦宿麥盈野野雉

羣雉類氏家訓詩云雉之朝雉尚求其雌鄭玄注月令亦云雉雌雉鳴潘岳賦雉鷩鷩以朝雉是則混雜其雌

雄矣蠶賦三俯三起注俯爲卧而不食乃眠也齊民要術養蠶法北至在眠常須三箔上箔上安蠶上下空置陸佃曰蠶三俯三起二十七日而老謂之紅蠶爾雅翼俯謂之眠亦有四眠者既老將績其口含絲陶潛詩帶月荷鋤歸蘇武詩思心常依依毛詩序云式微黎侯寓於衛其臣勸以歸也然則以君被逐既微又見卑賤是至微也不取式爲義故鄭云發聲也爾雅式微式微者微乎微者也曹植賦歌式微以誰歸又詩處者歌式微

春中田園作

史記秦本紀時在春中注正義作仲

屋上春鳩鳴村邊杏花白好持斧伐遠揚荷鋤覘泉脈

歸

一作新

燕識故巢舊

一作故

人看新歷臨觴忽不御惆悵

遠行

一作思遠

客

卷耳之後得此

禮記鳴鳩拂其羽曹植詩春鳩鳴飛棟

吟諷情致自然抑揚有態

禮記鳴鳩拂其羽曹植詩春鳩鳴飛棟

吟諷情致自然抑揚有態

禮記鳴鳩拂其羽曹植詩春鳩鳴飛棟

吟諷情致自然抑揚有態

禮記鳴鳩拂其羽曹植詩春鳩鳴飛棟

吟諷情致自然抑揚有態

禮記鳴鳩拂其羽曹植詩春鳩鳴飛棟

吟諷情致自然抑揚有態

禮記鳴鳩拂其羽曹植詩春鳩鳴飛棟

吟諷情致自然抑揚有態

禮記鳴鳩拂其羽曹植詩春鳩鳴飛棟

吟諷情致自然抑揚有態

禮記鳴鳩拂其羽曹植詩春鳩鳴飛棟

吟諷情致自然抑揚有態

禮記鳴鳩拂其羽曹植詩春鳩鳴飛棟

崔實月令清明節令杏花盛毛詩取彼斧斨以伐遠揚
陶潛詩帶月荷鋤歸短歌行臨觴歡不足別賦掩金觴
而誰御毛萇詩傳御進也古詩忽如遠行客

林園卽事寄舍弟統

公次荊州時作

寓目一蕭散消憂冀俄頃青草肅澄陂白雲移翠嶺後
河通河渭前山色鄢郢松含風裏聲花對池中影地多
齊后瘠人帶荊州癭徒思赤筆書詎有丹砂井心悲常
欲絕髮亂不能整青簞日何長閒門晝方靜頗思茅簷
下彌傷好風景

左傳得臣寓目吳都賦注憑軾而觀曰
寓目殷仲文詩蕭散得遺慮王粲賦聊

暇日以銷憂公羊傳注俄者須臾之間也家語注俄有頃也江賦千里俄頃謝靈運詩恒充俄頃用說文沔水出武都沮縣如淳曰此方人謂漢水爲沔水故孔安國曰漾水東流爲沔蓋與沔合也劉孝威詩似覺前山來水經鄢郢故郡子之國秦楚之間自商密遷此爲楚附庸楚滅之爲邑縣南臨沔津戰國策注楚昭王又自郢都郢與鄢爲五史多言鄢郢又鄢郢者楚之柱國也漢紀所謂白起爲秦南拔鄢郢是也徐廣曰鄢郢今南郡宜城水經注秦平鄢郢立以爲縣列女傳齊閔王后項有大瘤號曰宿瘤初齊王出遊百姓盡觀宿瘤採桑如故王命後車載之奉禮往聘之以爲后晉書羊祜舉杜預自代祜卒拜鎮南大將軍都督諸軍事預至鎮乃請伐吳之期初攻江陵吳人知預癭憚其智計以鉏繫狗頭示之每大樹似癭輒斫使白題曰杜預癭及城平盡捕殺之渚宮舊事杜元凱爲晉荊州刺史攻江陵城城上人以葫蘆繫狗頭抱狗示之元凱病癭故也說文癭

頸瘤也博物志山居之民多癰腫疾由於飲泉之不流者今荆南諸山郡東多此疾漢官儀尚書令僕夜郎月給赤管大筆一雙抱朴子余亡祖鴻臚少時曾爲臨沅令云此縣廖氏家世壽疑其井水殊赤乃試掘井得古

人埋丹砂數十斛又云武陵舞陽有丹砂井

休假還舊業便使

劉校本云唐選作盧象詩唐詩紀事亦作象詩題曰象自江東

止園田移莊慶會未幾歸汶上小弟幼妹尤悲其別賦詩云云并後別弟妹詩二共收作三首合璧事類仍作公詩漢書注古者名吏休假曰告唐大詔令天寶五年五月許百官旬節休假不入朝詔云五日休滯義在優閒

謝病始告歸依依入桑梓家人皆佇立相候衡門裏時

輩皆長年成人舊童子上堂嘉慶畢顧與姻親齒論舊
忽餘悲目存且相喜田園轉蕪沒但有寒泉水哀柳日
蕭條秋光清邑里入門乍如客休騎非便止中飯顧王

程離憂從此始

史記絳侯謝病始免拜漢書王吉言乃謝病歸史記索隱韋昭云告請歸乞假

也戰國策商君告歸延篤以爲今之歸寧也後漢書注漢律令二千石有予告有賜告予告者有功最法所當得者也賜告者病滿三月當免天子優賜其告帶印綬將官屬歸家治疾也今公詩云謝病告歸謂之賜告也毛詩維桑與梓溫叟詩話若維桑與梓必恭敬止謂桑梓人賴其用故養而成之莫肯凌踐則恭敬之道父子相與豈特如人之親桑梓今乃言父母之邦者必稱桑梓非也周易家人嘻嘻毛詩佇立以泣石崇詩佇立以

屏營衡門注見四時韻語陽秋唐人與親別而復歸謂之拜家慶盧象詩云上堂家慶畢顧與親恩適孟浩然詩云明朝拜家慶須着老萊衣餘冬錄按顏延年詠秋胡已有上堂拜嘉慶句此語宋時已然孟蓋用宋語或疑嘉家字不同王維詩云上堂嘉慶畢維與浩然同時而維詩依顏家字則作嘉爲是歸去來辭田園荒蕪胡不歸周易井冽寒泉謝朓詩衰柳尚沉沉鶡冠子士之邑里謝朓詩邑里向疏蕪東門行行子夜中飯老圃亭愚管記唐人集中所稱王程最多祖詠云王程江水流皇甫冉云王程無地遠高適云王程應未盡岑參云王程苦相仍錢起云歸思緩王程儲光羲云鄙夫念王程孫述云王程尚未復劉長卿云迢遞客王程張籍云王程不假催此天寶大厯間語謝靈運詩江上徒離憂

過李揖宅

舊唐書房琯與子儀光弼計會進兵琯自選參佐乃以民部侍郎李揖爲行軍

司馬琯之出師戎務一委於揖會北海太守賀蘭進明奏上曰琯但與庶子劉秩諫議李揖等高談

虛論說釋氏因果老子虛無而已

閉門秋草色終日無車馬客來深巷中犬吠寒林下散髮時未簪道書行尚把與我同心人樂道安貧者一罷

宜城酌還歸洛陽社

鍾會賦散髮抽簪易繫辭二人同心文子樂道而忘賤安德而忘貧

漢紀韋彪安貧樂道晉書杜夷安貧樂道陶潛詩安貧守賤者後漢地理志宜城縣故鄢惠帝三年更名舊唐

志宜城漢縣屬南郡後魏改爲宜城郡地道記宜城縣出美酒隨歲貢上酒賦酒有宜城梁統詩宜城溢渠椀

梁烏棲曲宜城投酒今應熟水經注洛陽北則白社故里也西征記洛陽建春門外有白社董威輦所住吳筠

詩寓居
洛陽社

偶然作六首

楚國有狂夫茫然無心想散髮不冠帶行歌南陌上孔
丘與之言仁義莫能獎未嘗肯問天何事須擊壤復笑

採薇人胡爲乃長往

論語正義接輿楚人姓陸名通字接輿佯狂不仕時人謂之楚狂也

列仙傳陸通者云楚狂接輿人也江淹上書接輿之賢
行歌而忘歸列子子貢茫然自失論語孔子下欲與之
言楚辭序天問者屈原之所作也擊壤注見四時史記
伯夷叔齊采薇而食之索隱曰薇蕨也爾雅云薇藿也

長往注

見前

田舍有老翁垂白衡門裏有時農事閒斗酒呼鄰里喧
眊茅簷下或坐或復起短褐不爲薄園葵固足美動則
長子孫不曾向城市五帝與三王古來稱天一作君子干
戈將揖讓畢竟何者是得意苟爲樂野田方足鄙且當

放懷

一作志

去行行沒餘齒

宋書田舍翁得此以爲過矣前漢書杜業傳注垂白者言

白髮下垂也左思賦星星白髮生於鬢垂謝靈運詩星
星白髮垂陶潛詩斗酒聚比鄰又潛詩養直茅簷下禮
記坐之起之戰國策鄰有短褐列子衣則短褐史記注
徐廣曰一作短小襦也音豎趙岐曰褐以毛毳織之若
馬衣或以褐編衣也齊民要術陳思王曰寒者不貪尺
玉而思短褐方言襜褕自闕以西謂之短褕短褐亦曰

短褐劉子傳衣不短褐淮南子注楚人謂祀爲短褐又
云麤衣又弊布襦也又襜褕短者謂之短褕荀子作豎
褐注童豎之褐漢書貢禹上書曰短褐不完師古曰短
褐謂童豎所着布長襦也索隱曰短亦音豎豎褐謂褐
衣而豎裁之以其省而便事也史記公儀休與魯相食
茹而美拔其園葵而棄古詩青青園中葵陶潛詩好味
止園葵莊子三王五帝之治天下不同古今注三王者
三才也五帝者五土也風俗通易傳禮記春秋國語太
史公記黃帝顓頊帝嚳帝堯帝舜是五帝也禮號謚記
說夏禹殷湯周武是三王也莊子天之所助謂之天子
又云堯舜之揖讓湯武之干戈漢書蕭望之傳注沒齒
終身也漢摯峻書徒欲偃仰從容以送餘齒耳晉書隱
逸傳乞
還餘齒

日夕見太行沈吟未能去問君何以然世網嬰我故小

妹日成長兄弟未有娶家貧祿既薄儲蓄非有素幾迴
欲奮飛踟躕復相顧孫登長嘯臺松竹有遺處相去詎
幾許故人在中路愛染日已薄禪寂日已固忽呼吾將

行寧俟歲云暮

山海經太行山在河內野王縣西北地理志山勢繞亘數千里雖各因地立名其

實皆名太行禹貢太行恒山至于碣石蓋相接也史記正義在懷州河內北二十五里苦寒行北上太行山謝靈運詩四顧太行山三國志龐統曰若沉吟不去必致大困謝靈運詩沉吟爲爾感郊居賦陸興言於世網陸機詩世網嬰我身莊子爲之四顧爲之躊躕晉書阮籍嘗於蘓門山遇孫登與商略終古及棲神導氣之術登皆不應籍因長嘯而退至半嶺聞有聲皆鸞鳳之音響乎山谷乃登之嘯也臧榮緒晉書孫登常登宜陽山作

炭人見之與語登不應作炭者見其情神非常咸共傳
說太祖聞之使阮籍往觀與語亦不應籍因大嘯登嘯
曰復作向聲又爲嘯求與俱出登不肯上峯行且嘯如
簫韶笙簧之音籍怪而問作炭人作炭人曰固是向人
聲按孫綽高士傳言在蕪門山又別作登傳孫盛魏春
秋亦言在蘇門山又不列姓名阮嗣宗感之著大人先
生論地理志嘯臺在百門山卽孫登隱居長嘯之所方
興勝覽長嘯臺在梓州富義門外號孫登嘯臺養生論
中路復廢江淹詩零落在中路大寶積經文殊利言天
子若有菩薩行於愛染爲化愛染諸衆生故而亦不共
是愛染住名名菩薩久行首楞嚴經心生愛染維摩經
一心禪寂傳燈錄太子雲曰山中有一石窟師可禪寂
於此否毛詩歲聿云莫盧諶詩忽
忽歲云莫陶潛詩淒厲歲云莫

陶潛任天真其性頗耽酒自從棄官來家貧不能有九

月九日時菊花空滿手中心竊自思儻有人送否白衣

攜壺觴果來遺老叟且喜得斟酌安問升與斗

但可從此止

奮衣野田中今日嗟無有

一作負

兀傲迷東西簞笠不能

守傾倒彊行行酣歌歸五柳生事不曾問肯媿家中帚

一作婦

晉書陶潛傳淵明性嗜酒而家貧不能恒得爲

彭澤令會郡道督郵至縣吏請曰應束帶見之潛歎曰

我豈能爲五斗米折腰向鄉里小兒卽日解綬去職陶

潛詩子雲性嗜酒家貧不能有魏文帝書歲往月來忽

復九月九日晉陽秋陶潛九日無酒出宅邊菊叢中坐

久之望見白衣人來乃刺史王弘送酒卽便就酌取醉

而後歸陶潛詩有酒斟酌之禮記奮衣由右上疏曰振

其衣以去塵從右邊升上世說新語陳元方遭父喪竊

以錦被蒙上郭林宗弔而見之奮衣而出北史劉延明
遂奮衣坐陶潛詩兀傲差若穎毛詩注簞笠所以備雨
越語譬如簞笠時雨既至必求之釋誨簞笠並載晉書
陶潛傳五柳先生不知何許人也宅邊有五柳樹因以
爲號焉北史馮偉不問生事東觀漢記家有弊帚享之
千金魏文帝典論里語曰家有弊帚云云斯不自見之
患也

趙女彈箏篴復能邯鄲舞夫婿輕薄兒闖難事齊主黃
金買歌笑用錢不復數許史相經過高門盈四牡客舍
有儒生昂藏出鄒魯讀書三十年腰下一作間無尺組被

服聖人教一生自窮苦

史記李斯曰趙女不立於側南
都賦於是齊僮倡兮列趙女楊

惲書婦趙女也史記武帝始用樂舞作二十五弦及空
侯瑟自此起徐廣曰武帝令樂人侯調始作聲均均然
命曰笙侯侯其姓也風俗通一名坎侯言其坎坎應節
奏也侯以姓冠章耳釋名笙篴此師延所作後出於桑
間濮上之地蓋空國之侯所存也搜神記晉永嘉中充
州樊道基有姬能彈笙篴聞人歌弦輒起舞史記呂不
韋取邯鄲諸姬絕好善舞者與居索隱曰呂不韋姬邯
鄲女也善歌舞陸厥詩趙女振鳴琴邯鄲紛躑步前漢
書江充邯鄲人有女弟善鼓琴歌舞通典邯鄲趙國所
都自敬侯始邯山名鄲盡也邯鄲舞曲也梁元帝詩夫
壻芙蓉姿漢書光武曰輕薄兒誤之沈約詩長安輕薄
兒鄲都故事魏明帝泰和中築闕雖臺趙王石虎亦以
芥羽漆砂闕雖於此故曹植詩闕雖東郊道李白詩闕
雖事萬乘句正相合白紵歌千金顧笑買芳年古詩一
笑雙白璧再顧千金漢書蓋寬饒曰上無許史之屬
向曰許皇后父廣漢爲平恩侯史良娣兄恭爲樂陵侯

此皆貴盛用事左思詩暮宿許史廬阮籍詩趙李相經
過漢書于定國父于公其里門閭壞父老方共治之于
公曰少高大令容駟馬高蓋我治獄多陰德子孫必興
故人為之語曰于公高門以待封東漢書孔融曰東海
于公僅有一節猶或戒鄉人侈其門閭矧乃鄭公之德
而無四牡之路可開廣門衢令容高車毛詩注四牡車
之四馬也列子魯有儒生漢書叔孫通曰弟子儒生鮑
照詩南國有儒生南史高昂字敖曹其父以其昂藏敖
曹故以名字之史記鄒魯俗好儒漢書韋賢魯國鄒人
號鄒魯大儒魏志諸葛瑾被服居處有如儒生曹植詩
被服麗

且鮮

老來嬾賦詩惟有老相隨宿世

一作當代

謬詞客前身應盡

師不能捨餘習偶被世

一作時

人知名字本皆是此心還

不知

唐朝名畫錄摩詰畫山水松石縱似吳生而風致標格特出嘗自題詩云當世謬詞客前身應畫師

其自負也如此唐詩紀事維善畫破墨山水嘗自制曰當代謬詞客云云白氏長慶集房傳往世爲禪客王道

前生應畫師注王右丞詩云宿世是詞客前身應畫師萬首絕句以宿世謬詞客四句作五絕題曰題輞

川圖

應制

奉和聖製登降聖觀與宰臣同望應制

長安志驪山宮圖降

聖觀在山城門內號國莊在其東飲鹿槽在其西又云七載改新豐爲會昌縣明年十月老君置於朝元閣而於其處立降聖觀觀此觀在會昌山上即驪山也當時儲光羲有述降聖觀詩及王建

集同于汝錫遊降
聖觀之作卽此也

鳳宸朝碧落龍圖耀金鏡維嶽降二臣戴天臨萬姓山
川八校滿井邑三農竟比屋皆可封誰家不相慶林疏
遠村出野曠寒山靜帝城雲裏深渭水天邊映喜一作嘉

氣含風景頌聲溢歌詠端拱能任賢彌彰聖君聖禮記天子

負斧依南向而立注狀如屏風以絳爲質高八尺東西
當戶牖之間繡爲斧文爾雅牖戶之間謂之扂按覲禮
云天子設斧依於戶牖之間鄭注云依如今綈素屏風
也有繡斧文所以示威也斧謂之黼是也今謂之鳳宸
或畫鳳於扂也度人經道言昔於始青天中碧落空歌
注東方第一天有碧霞遍滿是云碧落道書老君於東

極碧落之天浮繫之國春秋演孔圖有人卯金刀握天
鏡洛書曰秦失金鏡鄭玄曰金鏡喻明道也廣絕交論
聖人握金鏡按唐有金鏡書一卷一名金鏡述宣宗出
金鏡書曰此太宗所著也以和聖製故舉言之毛詩維
嶽降神生甫及申注二臣甫侯申伯尚書萬姓悅服漢
書奉承祖宗於萬姓百官表中壘校尉掌北軍屯騎校
尉掌騎士步兵校尉掌上林苑門屯兵越騎校尉掌越
騎長水校尉掌宣曲胡騎校尉掌池陽射聲校尉掌待
詔射聲士虎賁校尉掌輕車凡八校尉皆武帝初置刑
法志京師有南北車屯武帝內增七校注中壘屯騎步
兵越騎長水胡騎射聲虎賁凡八校尉漢袁紹傳中平
五年初置西園八校尉西京雜記分爲八校左四右四
山齋楊氏八校尉所以自列於城門校尉之後而中壘
校尉亦別掌北軍壘門內外不屬金吾也釋名周制九
夫爲井其制似井字也四井爲邑邑人聚會之稱也陸
雲詩井邑自相循周禮三農生九穀鄭康成注原隰平

地也鄭司農注平地山澤也詩傳注上中下農夫也左傳注三農謂春夏秋是也陸賈新語堯舜之民可比屋而封魏都賦可比屋而爲一何遜詩垂衣封比屋尚書室家相慶史記周本紀民和睦頌聲興漢紀賈捐之曰君臣歌德頌聲並作何休曰頌聲者太平歌頌之聲李陵與蘇武書勉事聖君

奉和聖製御春明樓臨右相園亭賦樂賢詩應制

帝紀開元十八年丁卯侍臣已下讌於春明門外長安志京城東面三門中曰春明門雍錄開元二十年築夾城通芙蓉園自大明宮夾東羅城複道經春明門以達曲江芙蓉園卽其地也故公首句曰複道通長樂云

複道通長樂青門臨上路遙聞鳳吹喧聞識龍輿度褰

旒明四目伏檻紆三顧小苑接侯家飛甍映宮樹商山
原上碧漣水林端素銀漢下天章瓊筵承湛露將非富
民寵信以平戎故從來簡帝心詎得迴天步

史記始皇紀複道渡

渭漢書注複道則築起爲道不與民庶相雜天子自行其上有私路處則作穴竇如城門百姓在彼中往來叔孫通傳孝惠帝爲東朝長樂宮乃作複道方築武庫南此正所謂長樂複道雍錄長樂宮甬道自咸陽屬之漢高帝從洛陽南宮複道望見諸將偶語注上下有道故爲之複也又元和志云始皇作閣道至驪山八十里人行橋上車行橋下則漢之複道即秦之閣道也又云漢之複道不止長樂有之未央之北有桂宮北宮明光之屬皆各有宮而常相往來者皆有複道也長樂注見宮闕青門注見四時梁簡文帝詩垂陰滿上路張詵曰上

路苑路也呂氏春秋伶倫制十二簫聽鳳鳥之鳴以別
十二律蔡邕月令章句曰吹者所以通氣也簫管等笙
皆以鳴吹也北山移文聞鳳吹於洛浦丘遲詩馳道聞
鳳吹尚書明四目劉孝綽詩伏檻臨曲池左傳衛夫人
見太子太子三顧庾信詩帳幕參三顧吳都賦飛甍舛
互鮑昭詩飛甍各鱗次水經注商山一名楚山卽今之
商州商洛縣山也通志商洛山在商縣東南九十里卽
四皓隱處三輔黃圖滌水出藍田谷北至霸陵入灊毛
詩倬彼雲漢爲章於天又湛湛露斯左傳衛甯武子來
聘公與之宴爲賦湛露前漢書車千秋訟太子寃武帝
立拜千秋爲大鴻臚封富民侯外戚恩澤侯表云富民
定侯車千秋以丞相侯八百戶以遺詔益封凡千六百
戶劉子駿廟議云功業既定乃封丞相爲富民侯是也
左傳齊桓公使管仲平戎于周使隰朋平戎於晉尚書
湯誥予簡在上帝之心顏延年賦序妙簡帝心毛詩
天步艱難張天錫曰天步屯蹇陸機詩粲粲光天步

奉和聖製送不蒙都護兼鴻臚卿歸安西應制

不蒙

藩官姓也今新舊二史無傳鴻臚卿漢官也周禮大行人掌賓客及諸侯朝覲事漢官云奉置典客掌諸侯及歸義蠻夷漢景帝更名大行令武帝改曰大鴻臚百官志至梁加卿字曰鴻臚卿隋唐因之舊唐志安西大都護府貞觀十四年平高昌置顯慶三年移安西於龜茲國舊安西府復爲西州通典安西都督府東接焉耆西連疏勒南鄰吐蕃北拒突厥

上卿增命服都護揚歸旆雜虜盡朝周諸胡皆自郤鳴
笳瀚海曲按節陽關外落日下河源寒山靜秋塞萬方
氛侵息六合乾坤大無戰是天心天心同覆載

上卿注見四時

毛詩服其命服注天子所命之服也左傳賜三帥三命之服沈約碑軍麾命服之序注爵命之服也漢書西域傳武帝時西域內屬有三十六國漢爲置使者校尉領護之宣帝改曰都護西域傳神爵三年使鄭吉并護北道故號曰都護鄭吉傳旣破車師降日逐威震西域遂并護車師以西北道故號都護都護之置自吉始焉注並護南北二道故謂之都都猶大也總也唐志大都護府大都護一人從二品副大都護二人從三品副都護二人正四品上掌統諸蕃撫慰征討叙功罰過總判府事白馬篇雜虜入雲中國語鄯由叔姪左傳自鄯以下無譏焉世本曰陸終娶於鬼方氏之妹生六子孕三年啓其左脅三人出焉啓其右脅三人出焉其四曰永言是謂之鄯鄯人者鄭是也劉禎云鄯在豫州方外之北北鄰於鄯鄯號榮之南左濟右洛居陽鄭兩水之間徐廣曰鄯在密縣姪姓矣不得在外方之比也說文祝融之後溱洧之間從邑會聲通作檜魏文帝書從者鳴笳以

啓路庾信詩鳴笳河曲還晉先蠶儀注胡人卷笳葉蘆
葉而吹之故曰胡笳蔡琰爲胡騎所獲登胡殿感笳之
音晉書劉疇援笳而吹之樂書胡笳似簫篴而無孔後
世因簿用之世言伯陽避入西戎所作晉有大菰小菰
蓋其遺制史記衛青傳注按崔浩云北海名羣鳥之所
解羽故云瀚海廣志云在沙漠北博物志北海之別有
瀚海魏志從帶方郡至倭又南度一海千餘里曰瀚海
舊唐志瀚海軍開元中蓋嘉運置在北庭都護府漢書
汲黯曰臣謹以按節發河內粟子虛賦注按節猶弭節
也言頓轡也按轡而行得節故曰按節漢書燉煌龍勒
有玉門陽關荀悅漢紀自玉門陽關出西域有四道行
從鄯善旁出南山西行至莎居爲南道南道西踰蔥嶺
則出大月氏安息自車師旁北山西行至疏勒爲北道
北道西踰蔥嶺則出大宛康居奄蔡鄯耆西域諸國使
于闐記自甘州西始涉磧西北五百里至肅州渡金河
西百里出天門關又西百里出玉門關入吐蕃界西至

沙州南十里鳴沙山又東南十里三危山其西渡都鄉
河曰陽關清波雜志陽關在遼西去長安一萬里漢將
陽興敗出此關因以爲名左傳注氛氣也國語注氛
氣象也凶曰氛吉日祥鄭玄注侵陰陽氣相侵漸以成
災也釋名氛粉也潤氣著草木因寒凍凝色白若粉之
形也侵侵也赤白之氣相侵也江賦隸氛侵於清旭王
僧達詩遠山歛氛侵莊子六合之外聖人存而不論六
合之內聖人論而不議山海經地之所載六合之間歐
陽建詩恢恢六合間南都賦啓天心而悟靈淮南子覆天載地

獻贈

獻始興公

文苑英華劉校本俱注云時拜左拾遺
唐書張九齡字子壽韶州曲江人封始

興縣伯卒贈荊州大都督謚曰文獻舊唐志始興
漢南野縣地屬豫章郡孫皓分南康郡之南鄉始

興縣縣界新唐書始興下
開元十七年詔張九齡開

寧棲野樹林寧飲澗水

一作中

流不用坐梁肉崎嶇見王

侯鄙哉匹夫節布褐將白頭任智誠則短守仁固其優

側聞大君子安問黨與讐所不賣公器動爲蒼生謀賤

子跪自陳可爲帳下不感激有公議曲私非所求

史記田文

曰僕妾餘梁肉漢書食貨志食必梁肉注梁好粟也周易不事王侯左思詩赫赫王侯居魏志劉廙曰虧匹夫之節成巍巍之美任昉箋高蹈海隅匹夫之小節呂氏春秋知短而不知化張華詩道長苦智短側聞注見四時史記董仲舒曰不足稱大君子之門注仲尼之門故稱大左傳君子謂祁奚能舉善矣稱其讐不爲諂立其

子不爲比舉其偏不爲黨劉琨詩安問黨與讐蓋舊句
唐書陸元方薦引皆親黨后召讓之對曰舉臣所知不
暇問黨讐卽公詩所云也梁書武帝曰夫天下之實本
是公器尚書注蒼蒼然而生晉書安石不起當如蒼生
何又深源不起當如蒼生何漢書王邑請賓邑稱賤子
應休璉詩避席跪自陳賤子實空虛史記周昌傳注張
晏曰爲帳下客世說新語王丞相主簿欲檢校帳下趙岐孟子章指千里聞之猶有感激

贈從弟司庫負外綵

少年識事淺彊學干名利徒聞躍馬年苦無出人智卽
事豈徒言累官非不試旣寡遂性歡恐招負時累清冬
見遠山積雪凝蒼翠皓然出東林發我遺世意惠連清

素賞夙語塵外事欲緩攜手期流年一何駛

駱賓王詠懷詩首句

云少年識事淺不知交道難公詩倣此莊子夫名利之大者幾在無恥史記蔡澤傳躍馬食肉三十三年亦足矣蜀都賦公孫述躍馬而稱帝謝靈運詩卽事罕人功論語吾不試故藝陸機詩積雪被長巒桓子新論常爲世俗所遺失焉宋書謝方明子惠連幼而聰敏年十歲能屬文族兄靈運深相知賞謝靈運傳惠連幼有才悟而輕薄不爲父方明所知靈運嘗造方明視惠連大相知賞謂方明曰阿連才悟如此而尊作常兒遇之何塵外攜手並見四時潘岳詩歎彼年往駛注駛急也

座上走筆贈薛璩慕容損

希世無高節絕跡有卑棲君徒視人文吾固和天倪緬

然萬物始及與羣牧齊分地依后稷用天信重黎春風

何豫人令我思東谿草色有佳意花枝稍含萼更待風

景好與君藉萋萋

莊子原憲曰夫希世而行漢書注希世隨世也陸機詩希世無高符曹植

書數子猶復不能飛騫絕跡北史李謚遂絕跡下帷韋孟詩修翼無卑棲周易觀乎人文以化成天下莊子和

以天倪注天倪者自然之分班固曰天研陸機詩緬然若雙潛左傳共工有子曰句龍佐顓頊能平九土為后

土故祀以為社孝經說稷者五穀之長五穀衆多不可偏祭故立稷而祀之禮記厲山氏之有天下也其子曰

社能植百穀夏之衰也周棄繼之故祀以為稷左傳后土為社稷田正也有烈山氏之子曰柱為稷自夏以上

祀之周棄亦為稷自商以來祀之漢書郊祀志高祖五年初祀后稷左傳重為勾芒木正黎為祝融火正世本

云老童娶於根水氏謂之驕福產重及黎山海經顓頊生老童老童生重及黎注顓頊乃命南正重司天以屬神命北正黎司地以屬民重實上天黎實下地楚世家注重氏黎氏二官代司天地據左氏少昊氏之子曰重顓頊氏之子曰黎今以重黎爲一人乃是顓頊之子孫者索隱曰二人元是水火之官說文蕤卉木初生葉貌一曰莠也茅之始生曰蕤楚辭芳草生兮萋萋天台賦藉萋萋之纖草注以草薦地而坐曰藉

贈李頎

唐詩紀事載此詩於李頎詩後文獻通考頎東川人開元十三年賈李鄰榜進士調

新鄉
縣尉

聞君餌丹砂甚有好顏色不知從今去幾時生羽翼王母翳華芝望爾崑崙側文螭從赤豹萬里走方息悲哉

世上人甘此羶腥食

此列仙傳王柱與道士共上宕山言

明餌丹砂三年得神砂飛雪服之五年能飛行遂與柱
俱去云本草丹砂益精神悅澤人面久服能神明不老
輕身神仙莊子眉目顏色之好參同契顏色悅澤好曹
植詩忽逢二童顏色鮮好魏文帝詩身體生羽翼山海
經西王母其狀如人豹尾虎齒而善笑蓬髮戴勝是司
天屬及五殘河圖玉版亦曰西王母居崑崙山山西經
西王母居玉山穆天子傳乃紀多跡於弇山之石曰西
王母之山也然則西王母雖以崑崙爲宮亦有離室別
窟游息之處不專住於一山也酉陽雜俎西王母姓楊
諱回治崑崙西北隅以丁丑日死一曰婉妗集仙錄西
王母者姓緱氏女子之登仙得道者咸隸焉琴賦背長
林翳華芝甘泉賦迺登夫鳳凰兮而翳華芝注華芝華
蓋也言以華蓋自翳也山海經崑崙之墟上有醴泉華
池其高一萬一千里去嵩高五萬里蓋天地之中也又

云赤水之後黑水之前有大山名曰崑崙之丘穆天子傳天子遂宿於崑崙之阿是實惟帝之下都拾遺記崑崙山有昆陵之地其高出日月之上山有九層每層相去萬里仙傳拾遺西王母居崑崙之圃閼風之苑有城三千里玉樓十二左帶瑤池右環翠水十洲記崑崙山有三角一角正北名閼風嶺一角正西名玄圃臺一角正東名崑崙宮王母居焉離騷乘赤豹兮從文螭西山經有獸焉其狀如赤豹五尾一角其音如擊石其名曰狴皆西王母所居之產也王褒頌萬里一息左傳咎犯曰事不成犯肉腥臊何足食絕交書漫之羶腥高僧傳飲食斷腥羶

贈劉藍田

劉即藍田令也宋書藍田令漢舊名本屬京兆舊唐志隋京兆郡領藍田縣武

德二年分藍田置白鹿縣又改白鹿爲寧人縣分藍田置玉山縣七年廢寧人玉山爲藍田縣

籬中

一作間

犬迎吠出屋候柴扉歲晏輸井稅山村人夜

歸晚田始家食

一作熟

餘布成我衣詎肯無公事煩君聞

是非

列子楊朱之弟解素衣衣緇衣而反其狗不知迎而吠之范雲詩有客歎柴扉歲晏注在四時秋興

賦輸黍稷之餘稅周易不家食吉孟子女有餘布論語非公事未嘗至於偃之室也末二句乃公自云既無公

事則不至藍田之室必不以是非之言煩聞於劉君也

老圃亭愚管記余讀司馬彪續漢書劉寵傳其父老云

他時吏徵發民間或夜不絕犬吠竟夕民不安坐自明

府以來犬不夜吠吏稀至民間則知劉君之令藍田其

不逮榮祖之守會稽遠矣觀公詩乃云犬迎吠而出候

輸井稅而夜歸則邑有夜吠之犬村無希至之吏況晚

田餘布所存無幾其於粟帛之征亦甚

急也是右丞不滿於劉君槩可知矣

贈房盧氏琯

舊唐書房琯字次律河南人玄宗將封岱嶽琯謨封禪書及箋啓以獻中

書令張說奇其才奏授校書郎調補馮翊尉舉授
虢州盧氏令政多惠愛人稱羨之肅宗以琯素有
重望行在機密多決之於琯詔加持節招討西京
兼訪防禦蒲潼兩關兵馬節度等使拜特進刑部
尚書在路遇疾卒於閬州僧舍贈太尉金剛感應
錄開元十五年房琯爲盧氏宰與道士邢和璞出
遊過夏口入廢寺坐古松下使之掘地得甕中所
藏婁師德與永禪師書笑謂琯曰頗憶此耶琯因
恍然悟前身之爲永師也及觀蘇文忠公集云出
舊說又云故人柳子玉寶此書云是唐本地理志
盧氏本號之莘地漢因盧敖得仙始置盧氏縣河
南志盧氏之爲邑東有高門之險西有白華之關
熊山峙其南鐵嶺鎮其北外
而羣山環繞內而洛水中流

達人無不可忘已愛蒼生豈復少千

十一作

室絃歌在兩

楹浮人日已歸但坐事農耕桑榆鬱相望邑里多雞鳴
秋山一何淨蒼翠臨寒城視事無偃卧對書不簪纓蕭
條人吏踈鳥雀下空庭鄙夫心所向晚節異平生將從

海嶽居守靜解天刑或可累安邑茅茨君試營

列子端木叔達

人也鸛冠子達人大觀鵬賦達人大觀兮物無不可莊
子忘乎物忘乎天其名爲忘已沈約詩忘已用堯心蒼
生見前左傳晉侯賞桓子狄臣千室後漢書童恢傳贊
千室鳴弦陸機詩千室非良鄰謝靈運詩弦歌媿言子
張景陽詩制勝在兩楹注謂階間也尚書傳浮行也齊
賢注浮人流人也浮人卽浮客謝靈運詩眷眷浮客心

前漢書初千秋始視事漢紀尚書詰李膺曰尹視事無
幾而多殺伐乎翟方進傳除服起視事沈約彈文視事
如故列子紀昌歸偃卧其妻之機下嚴光傳因其偃卧
謝靈運詩偃卧任縱誕又詩空庭來鳥雀漢紀賈復闔
門守靜張奐傳多不能守靜隴西行誰能守靜莊子老
聃曰無趾者天刑之安可解漢書閔仲叔世稱節士復
以博士徵不至客居安邑老病家貧不能得肉日買猪
肝一片屠者或不肯與邑令聞勅吏常給焉仲叔怪而
問之知乃歎曰閔仲叔豈以口腹累安邑邪遂去客沛
以壽終謝承書高士傳並作閔貢墨子堯舜茅茨不剪
說文茅茨蓋屋也釋名屋以草蓋曰茨茨次也次比草
爲之也晉中興書范宣茅茨不完陶潛詩茅茨已就治
蓋公以安邑比盧氏以安邑令比房琯而公以閔仲叔
自任也未意公他日將託居於房耳唐詩紀事琯宰盧
氏王維贈詩云達人無不可忘己愛蒼生豈復少十室
弦歌在兩楹又云視事兼偃卧對書不簪纓蕭條人吏

疎鳥雀下空庭是時瑄
之清名已重於縉紳矣

贈祖三詠

公自注濟州官舍作按祖詠集後序云
詠洛陽人開元十三年進士張說引爲

駕部員外郎唐詩紀事開元中進士唱第尚書省
落第者至省門散去詠吟曰落去他兩兩三三戴
帽子日莫祖復吟一
聲長安竹柏枯死

蟪蛄挂虛牖蟋蟀鳴前除歲晏涼風至君子復何如高
館闐無人離居不可道閒門寂已閉落日照秋草雖有
近音信千里阻河關中復客汝潁去年歸舊山結交二
十載不得一日展貧病子旣深契濶余不淺仲秋雖未

歸暮秋以爲期良會詎幾日終日長相思

毛詩蟪蛄在戶爾雅蟪蛄

一名長跼一名長脚注今小蜘蛛長股者俗呼喜子亦如蜘蛛布網垂絲着人衣當有親客至荊州河內之人

謂之喜母幽州人謂之親客詩疏蟋蟀似蝗而小正黑有光澤如漆有角翅一名蜚一名青蜚楚人謂之王孫

幽州人謂之趨織阮籍詩蟋蟀鳴戶牖周書立秋之日涼風至淮南子涼風至注云兌卦之風也爾雅北風謂

之涼風班婕妤詩切恐涼風至周易闕其無人潘岳懷舊賦空館闕其無人毛詩正大夫離居楚辭將以遺兮

離居張景陽詩離居幾何時戰國策注河關屬金城史作清河縣是也漢書地理志河關在羗中河水行塞外

東北入塞內至章武入海顏延年詩一別阻河關禮書汝潁以爲險括地志云汝源出汝州魯山縣西伏牛山

流至豫州鄆城縣潁源出洛州嵩高縣東南三十五里陽乾山水經汝水出河南梁縣勉鄉西天息山又東南

潁川邠縣南注言汝又逕潁之陝縣故城唐書河南道
其大川伊洛汝潁戰國策奉陽君乃使使結交於蘇秦
史紀繆賢傳王私握臣手曰願結交蘇武詩結交亦相
因江淹詩去鄉二十載毛詩注契濶勤苦也韓詩注契
濶約束也契合也濶離也陸機詩契濶踰三年禮記仲
秋之月琮綽詩蕭瑟仲秋月纂要九月暮秋毛詩秋以
爲期定情賦秋爲期今時未征後漢書范武與張元伯
爲友春別京師暮秋爲期雄神賦悼良會之永絕今樂
府怨思曲其一曰長相思古詩著以長相思

贈張五弟諱三首

劉校本及唐音題上俱有戲字
唐詩紀事張諱官至刑部員外

郎善草隸工丹青與王維李頎等爲詩酒丹青之
友尤善畫山水王維答詩曰屏風誤點惑孫郎團
扇草書輕內史李頎詩曰詩堪記室妬風流盡與
將軍作勅敵觀皇甫冉集亦有答張諱及夜集張

諲所居二首李頎集又有臨別送張諲入蜀一首
則知四人誠一時友善而諲亦當代名士也至讀
李龔集有送張諲之睦州郎士元集有
贈張五諲歸濠州則知諲乃濠人也

吾弟東山時心尚一何遠日高猶自卧鐘動始能飯

不必

其人直
自輸寫領一作

上髮未梳牀頭書不卷清川興悠悠空

林對偃蹇青苔石上淨細草松下軟牕外鳥聲聞階前

虎心善徒然萬像多澹爾太虛緬一知與物平自顧爲

人淺對君忽自得浮念不煩遣

左傳宋左師每食擊鐘
高僧傳袁州山僧偶得

一虎皮戲披於身頗克肖之乃近水照之形骸雖虎而
心歷歷然人也但不能言一旦餒忽一人過於前遂躍

而噬之細視之一衲僧也心自思曰我本人也自爲不善沽變爲虎今又殺僧以充腹寧餒死弗重其罪也因仰天號絕忽皮落如脫一裸僧也走於鄰境佛寺時圓超上人念其勤恭問爾習何法對曰某心有悔行願因上人決之具言爲虎之事上人謂曰爾惡念爲虎善心爲人苟有志脫離則人不爲虎虎不爲人矣僧乃奉教

張第五車書讀書仍隱居染翰過草聖賦詩輕子虛閉

門二室下隱居十年餘宛是野人野時從漁父漁秋風

日蕭索五柳高且踈望此去人世渡水向吾廬歲晏同

攜手只應君與予

莊子惠施多方其書五車世說新語司馬太傅問謝車騎惠子其書五車

何以無一言入玄漢書王霸隱居守老後漢書張吳長子芝字伯英善草書至今人稱傳之王愔文章志張伯

英臨池學書池水盡黑家之衣帛必書而後練草書爲世所寶韋仲將謂之草聖漢書相如著子虛賦後蜀人楊得意爲狗監侍上上讀子虛賦曰朕獨不得與此人同時哉得意曰臣邑人司馬相如言自爲此賦上乃召相如相如曰此廼諸侯之事未足觀請爲天子游獵之賦以子虛虛言也爲楚稱烏有先生何有此事也爲齊難亡是公者亡是人也欲明天子之義故虛藉此三人爲辭以風諫焉杜密傳劉勝閉門無所干西征記嵩中嶽也其山東爲太室西爲少室相去十七里嵩其總名也謂之室者以其下各有石室焉少室高八百六十丈上方十里與太室相埒但小耳秋興賦序僕野人也高士傳漁父者楚人也五柳事注見田廬南史劉歊常欲避人世以母老不忍劉孝綽詩旣異人世勞陶潛詩吾亦愛吾廬歲晏攜手並注見前四時

設置守篋兔垂釣伺游鱗此是安口腹非關慕隱淪吾

生好清淨蔬食去情塵今子方豪蕩思爲鼎食人我家
南山下動息自遺身入鳥不相亂見獸皆相親雲霞成
伴侶虛白侍衣巾何事須夫子邀予谷口真

毛詩肅肅
兔且鮑昭

詩伐木清江湄設罝守篋兔此舊句也吳都賦西海失
其游鱗沈約詩百文見游鱗桓譚新論天下神人五二
曰隱淪江淹賦納隱淪之列貞郭璞詩隱淪輕精魄涅
槃經其性清淨離於五根阿含經瞿曇生處清淨百法
論情塵之意合故知生也頭陀寺碑文情塵爲岳家語
子路列鼎而食漢書主父偃傳丈夫生而不五鼎食莊
子孔子曰入獸不亂羣入鳥不亂行注云爲萬物之林
數陶潛詩入鳥不駭雜獸斯羣謝靈運詩雲霞收夕霏
莊子虛室生白喻心定則生明也定情篇侍寢執衣巾
漢紀谷口鄭子真王鳳慕其名以禮聘子真子真遂不

屈揚子谷口鄭子真不誑其志耕於巖石之下名震於京師華陽國志鄭子真褒中人也家谷口世號谷口子人也世服其清高馮翊人刻石祠之

贈裴十迪

唐音注迪關中人與王維同倡和唐詩紀事迪初與王維俱居終南天寶後爲

蜀州刺史與杜甫友善

風景日夕佳與君賦新詩澹然望遠空如意方支頤春風動百草蘭蕙生我籬曖曖日暖閨田家來致詞欣欣春還臯淡淡水生陂桃李雖未開萼萼滿芳枝一作其請

君理還策敢告將農時

晉書周顗曰風景不殊陶潛詩山氣日夕佳琴賦臨清流賦新

詩胡綜別傳時有掘地得銅匣長二尺七寸開之得白玉如意莊子曰右手持願說文蘭本草葉似澤蘭方莖蘭圓葉白花紫莖生澤畔八月花一名水香一名香水蘭澤可作膏塗髮通志畧蘭即蕙蕙即薰蕙即零陵香古方謂之薰草按蘭舊名煎澤草婦人和油澤頭故以名焉南越志零陵香一名蕪草別錄云薰草一名蕙草明薰蕙之爲蘭也離騷辨證蘭蕙名物本草言之甚詳劉次莊云今沅澧所生花在春則黃在秋則紫不若秋紫之芬馥又引黃魯直云一幹一花而香有餘者蘭一幹數花而香不足者蕙汗漫錄王維貯蕙蘭必黃磁斗養以綺石累年彌盛則知二物爲公夙好云陶潛詩曖曖空中滅歸去來辭木欣欣以向榮毛萇詩傳欣欣樂也高唐賦水淡淡而盤紆注說文淡淡水搖也

胡居士卧病遺米因贈

唐李端集有贈胡居士又司空曙集有過胡居士觀

王右丞遺文意端曙去公
最近所稱胡居士卽此也

了觀四大因根性何所有妄計苟不生是身孰休咎色
聲何謂客陰界復誰守徒言蓮花目豈惡楊枝肘旣飽
香積飯不醉聲聞酒有無斷常見生滅幻夢受卽病卽
實相趨空定狂走無有一法真無有一法垢居士素通
達隨宜善抖擻牀上無羶卧鍋中有粥否齋時不乞食
定應空嗽口聊持數斗米且救浮生取

大寶積經善逝
了觀如寶智楞

嚴經由我諦觀四大瓔珞經四大因緣有識分別圓覺
經由彼妙覺性徧滿故根性大寶積經知諸根性入楞

伽經我今當說妄計自性差別相彼諸妄計相皆因緣起有善達於妄計緣起則不生首楞嚴經成妄計果太玄經以晝夜別其休咎文殊師利問經色有十二種謂青黃赤白煙雲塵霧光彩明暗聲有七種謂螺聲鼓聲小鼓聲大鼓聲歌聲男聲女聲涅槃經一切衆生無明因緣於陰入界文殊師利問經不知施界天不知陰界入法華經是菩薩目如廣大青蓮花葉八十隨好云如未明相修廣猶如青蓮花葉晉書佛圖澄傳燈呪鉢水生青蓮花花色曜目莊子支離叔與滑介叔觀於冥伯之丘崑崙之墟黃帝之所休俄而柳生其左肘維摩經維摩詰往上方有國號香積以衆香鉢盛滿香飯悉飽衆會故今名僧舍廚爲香積酒譜醉胡僧云何年飲着聲聞酒直到而今醉不醒傳燈錄因聲得教謂之聲聞涅槃三阿僧祇劫修成佛者皆屬聲聞要覽諸佛聖教聲聞爲上首從師友所聞展轉修證小行小果故名聲聞大寶積經超過一切斷常見門無盡意經正見不起

斷常見摩詰經若行生滅是求生滅如來藏經世間一切生滅法無有一法不歸如也華嚴經非生滅身如幻夢身薩婆羅經於諸法中不互諸相是名實相傳燈錄色身無相即是實相首楞嚴經佛告富樓那汝豈不聞室羅城中演若達多忽於辰朝以鏡照面不見面目以為魑魅無狀狂走此人何故狂走富樓那言是人心狂便無他故又頭本無妄何以狂走若悟本頭識知狂走大寶積經無有一法能作餘法維摩詰經故法無有我離我垢韓非子太公封於齊有居士在商華仕禮記居士錦帶注道藝處士也楞嚴經疏博聞彊識不求仕宦居財大富秉志堅貞故名居士又云或作沙門白衣居士法華經諸佛隨宜說法楞嚴經注頭陀新云杜多此翻抖擻又天竺言頭陀此言抖擻同覺要覽抖擻貪慾嗔癡三界內外不敢不捨名杜多寶雲經凡乞食為四分一奉同梵行一與窮乞一與鬼神一分自食十二頭陀經食有三種三常乞食大灌頂神呪經入城聚落分

衛乞食維摩詰經應次行乞食釋氏要覽食後嗽口根本百一佛言飲食染者若食嗽未嗽口設嗽刷尚有餘津膩是名有染故食後事須嗽刷牙
口齒莊子其生若浮其死若休

與胡居士皆病寄此詩兼示學人二首

劉校本注云梵志體

一興微塵念橫有朝露身如是觀

一作都

陰界何方置我

人礙有固爲主趣空寧捨賓洗心詎懸解悟道正迷津

因愛果生病從貪始覺貪色聲非彼妄浮幻卽吾真四

達竟何遣萬殊安可塵胡生但高枕寂寞與誰鄰戰勝

不謀食理齊甘負薪子若未始異詎論疎與親

大寶積經如彼

十人經十方界盡為微塵首楞嚴經所有微塵等無差別雜寶積經我身如電光不久照耀亦如朝露史記趙良曰君之危若朝露漢書李陵謂蘇武曰人生如朝露別賦朝露溘去古樂府年命若朝露陰界注見前維摩詰經時維摩詰來謂我言欲何方置此人何以教此比丘傳燈錄於從相中不礙有故能解此名實相莊子古者謂是帝之懸解注以生為縣以死為解縣音玄解音蟹梁寶誌十二時頌有道人掌擎如意珍若着物入迷津涅槃經染者名愛若我法中因雖無常果是常者維摩詰經故以是像開解一切貧貪之行色聲注見前首西域記世間浮幻宜修勝善謝靈運贊幻工作同異誰復謂非真禮記周道四達莊子精神四達並流無所不極謝瞻詩四達雖平直淮南子萬殊為一也達音齊品謂之萬殊盧諶詩萬殊一轍戰國策馮驩曰君姑高枕而卧矣楚辭故高枕而自適韓子子夏曰吾入見先王之義則榮之出見富貴又榮之二者戰於骨髓故懼今

見先王之義戰勝故肥謝靈運詩戰勝臞者肥金剛經
注祇洹林樹名梵云祇陀洹此云戰勝高士傳披裘公
者五月披裘而負薪

浮空徒漫漫汎有定悠悠無乘及乘者所謂智人舟詎
捨貧病域不疲生死流無煩君喻馬任以我爲牛植福
祠迦葉求仁笑孔丘何津不鼓棹何路不摧輶念此聞
思者胡爲多阻修空虛花聚散煩惱樹稀稠滅相成無
記生心坐有求降吳復歸蜀不到莫相尤

楞伽經諸天
及梵乘聲聞

緣覺乘諸佛如來乘我說此諸乘乃至有心轉諸乘非
究竟若彼心滅盡無乘及乘者無有乘建立我說第一

乘世說新語經云般若者知慧也然則五者爲舟般若爲導涅槃經一切衆生凡有二種一者智人二者愚癡陶徵士誄少而貧病維摩詰經不疲解三脫門華嚴經致遠不疲度生死流首楞嚴經阿難汝今欲逆生死欲流莊子士成綺見老子而問曰吾聞夫子聖人也吾固不辭遠道而來今吾觀子非聖人也老子曰夫巧智神聖之人吾自以爲脫焉昔者子呼我牛也而謂之牛呼我馬也而謂之馬又一以已爲馬一以已爲牛維摩詰經此人植福能增多不長阿含經婆羅門姓迦葉父大德母善勝居清淨城又云其彼村人婆羅門居士有禮拜迦葉五燈會元初祖迦葉尊者此云飲光世尊通塞志老子本迦葉尊者釋迦遣化東土佛祖統紀周穆王求仁既自我老圃亭愚管記沈雲卿驩州詩云無亭不駐馬何浦不橫舟右丞詩云何津不鼓棹何路不摧轡意雖不同造句則一言窮通所遇無適不然也楞嚴經

觀世音以聞思修爲圓通第一其言曰彼佛教我從聞
思修入三摩地楞伽經何不生滅世如虛空花首楞嚴
經目瞪發勞則於空虛別見狂花圖覺經猶如虛空華
依空而有相無量清淨覺經諸菩薩皆復於虛空中持
花散諸佛及諸菩薩阿羅漢上華皆復在虛空中下佛
遺教經一切病者之良藥也伐煩惱樹之利斧也維摩
詰經斷如滅相不以淫爲無罣礙又德頂菩薩曰垢爲
二見垢實淨相順於滅相華嚴經於斷滅相亦不受首
楞嚴經阿難汝常意中所緣善惡無記三性注無記昏
住心也金剛經菩提諸菩薩摩訶薩應如是生清淨生
不應住色生心不應住聲香味觸法生心應無所住而
生其心魏志蜀黃權軍敗降魏魏文帝謂曰君舍逆效
順欲追踪陳韓乎對曰臣降吳不可歸蜀無路是以歸
命蜀先主山問至羣臣咸賀唯權獨否按公還自賊庭
有感昔事乃以吳比祿山以蜀比
唐室而實竊附於黃權以自過也

丁寓田家有贈

文苑英華題云田家贈丁禹注云集作丁寓誤也

君心尚棲隱久欲傍歸路在朝每爲言解印果成趣晨

雞鳴鄰里羣動從所務農夫行餉田閨婦起縫素開軒

御衣服散帙理章句時吟招隱詩或著閒居賦新晴望

郊郭日映

一作映

桑榆暮陰晝

一作陰晝

小苑城微明渭川樹

揆予宅閭井幽賞何由屢道存終不忘迹異難相遇此

時惜離別再來芳菲度

漢書虞卿解印注度趙王不可說乃解其印晉書陶潛傳即日

解印綬又歸去來辭園日涉以成趣注七俞反郭璞曰此皆人行步趨走之處謝靈運詩散帙問所知說文帙

書衣也漢書費直治易長於卦筮無章句顏延年詩觀
詩鄙章句古題要解招隱本楚辭漢淮南王安小山所
作也後人改以爲五言若左思杖策招隱等數篇最爲
首出韓子閒靜安居謂之隱注左思苦天下溷濁故將
招尋隱者欲以退不仕晉書王子猷居山陰夜雪獨酌
詠左太沖招隱詩宋書梁統嘗汎舟後池詠左思招隱
詩閒居賦注禮記有閒居篇岳取以爲賦皇甫冉詩題
詩卽招隱作賦是閒居與此二句相合後漢書馮異傳
收之桑榆顏延年詩物色桑榆時小苑注見應制山海
經注渭水出隴西首陽縣烏鼠同穴山東北過狄道縣
南上邽縣北陳倉縣南武功縣北槐里縣南與滂澧二
水合東至高陵與涇水合又與漆沮水合經秦漢之都
至潼津而入河也楚辭芳菲兮滿堂芳菲兮襲余

王右丞詩集卷一

謹案第二頁後一行解驂輶朱輪刊本驂訛輶据
全唐詩改

第二頁後二行汎舟過東鄰刊本舟訛汎据全唐
詩改


第十五頁前二行又別有道之言按此二句有訛
第四十二頁前二行詎肯無公事煩君問是非按
此二句一作對此能無憶勞君問是非

第四十三頁前二行邑里多雞鳴刊本里作地据

全唐詩改

又年譜第三頁後脫去景雲二年辛亥一條按已
酉年十二歲則開元元年癸丑當十六歲矣因
脫去辛亥一年此後歲數皆差一年附識於此





總校官庶吉士臣張能照
校對官庶吉士臣陳文樞
謄錄舉人臣呂燕昭